

REGLUGERÐ

um breytingu á reglugerð um þvingunaraðgerðir varðandi Úkraínu, nr. 281/2014, ásamt síðari breytingum.

1. gr.

Þvingunaraðgerðir.

Eftirfarandi töluliðir skulu bætast við 1. mgr. 2. gr. reglugerðarinnar, í rétttri númeraröð:

- 1.13 Ákvörðun ráðsins (SSUÖ) 2023/457 frá 2. mars 2023 um breytingu á ákvörðun 2014/119/SSUÖ um þvingunaraðgerðir sem er beint gegn tilteknum aðilum, rekstrar-
einingum og stofnunum í ljósi ástandsins í Úkraínu, sbr. fylgiskjal 1.13.
- 2.14 Framkvæmdarreglugerð ráðsins (ESB) 2023/449 frá 2. mars 2023 um framkvæmd reglu-
gerðar (ESB) nr. 208/2014 um þvingunaraðgerðir sem er beint gegn tilteknum aðilum,
rekstrareiningum og stofnunum í ljósi ástandsins í Úkraínu, sbr. fylgiskjal 2.14.
- 3.68 Ákvörðun ráðsins (SSUÖ) 2023/432 frá 25. febrúar 2023 um breytingu á ákvörðun
2014/145/SSUÖ um þvingunaraðgerðir með tilliti til aðgerða sem grafa undan eða ógna
landamærahelgi, fullveldi og sjálfstæði Úkraínu, sbr. fylgiskjal 3.68.
- 3.69 Ákvörðun ráðsins (SSUÖ) 2023/572 frá 13. mars 2023 um breytingu á ákvörðun
2014/145/SSUÖ um þvingunaraðgerðir með tilliti til aðgerða sem grafa undan eða ógna
landamærahelgi, fullveldi og sjálfstæði Úkraínu, sbr. fylgiskjal 3.69.
- 4.76 Reglugerð ráðsins (ESB) 2023/426 frá 25. febrúar 2023 um breytingu á reglugerð (ESB)
nr. 269/2014 um þvingunaraðgerðir með tilliti til aðgerða sem grafa undan eða ógna
landamærahelgi, fullveldi og sjálfstæði Úkraínu, sbr. fylgiskjal 4.76.
- 4.77 Framkvæmdarreglugerð ráðsins (ESB) 2023/429 frá 25. febrúar 2023 um framkvæmd
reglugerðar (ESB) nr. 269/2014 um þvingunaraðgerðir með tilliti til aðgerða sem grafa
undan eða ógna landamærahelgi, fullveldi og sjálfstæði Úkraínu, sbr. fylgiskjal 4.77.
- 4.78 Framkvæmdarreglugerð ráðsins (ESB) 2023/571 frá 13. mars 2023 um framkvæmd
reglugerðar (ESB) nr. 269/2014 um þvingunaraðgerðir með tilliti til aðgerða sem grafa
undan eða ógna landamærahelgi, fullveldi og sjálfstæði Úkraínu, sbr. fylgiskjal 4.78.
- 7.31 Ákvörðun ráðsins (SSUÖ) 2023/434 frá 25. febrúar 2023 um breytingu á ákvörðun
2014/512/SSUÖ um þvingunaraðgerðir í ljósi aðgerða Rússlands sem grafa undan stöðug-
leika í Úkraínu, sbr. fylgiskjal 7.31.
- 8.23 Reglugerð ráðsins (ESB) 2023/427 frá 25. febrúar 2023 um breytingu á reglugerð (ESB) nr.
833/2014 um þvingunaraðgerðir sem grafa undan stöðugleika í Úkraínu, sbr. fylgiskjal 8.23.
- 9.3 Ákvörðun ráðsins (SSUÖ) 2023/388 frá 20. febrúar 2023 um breytingu á ákvörðun
2022/266/SSUÖ um þvingunaraðgerðir til að bregðast við ólöglegri viðurkenningu, yfir-
töku eða innlimunar Rússlands á ákveðnum héruðum í Úkraínu, sem lúta ekki stjórn ríkis-
stjórnar, sbr. fylgiskjal 9.3.

2. mgr. 2. gr. reglugerðarinnar orðast svo: Listar yfir aðila, hluti, tækni eða annað viðfang
þvingunaraðgerða, sem vísað er til í framangreindum gerðum, eru birtir á vef Stjórnartíðinda Evrópu-
sambandsins. Síðari breytingar og uppfærslur listanna öðlast sjálfkrafa gildi við birtingu á þeim vef,
sbr. 3. mgr. 4. gr. laga um framkvæmd alþjóðlegra þvingunaraðgerða nr. 93/2008.

2. gr.

Gildistaka o.fl.

Reglugerð þessi, sem er sett með heimild í 4. og 12. gr. laga um framkvæmd alþjóðlegra þving-
unaraðgerða nr. 93/2008, öðlast þegar gildi.

Utanríkisráðuneytinu, 31. mars 2023.

Þórdís Kolbrún Reykfjörð Gylfadóttir.

Martin Eyjólfsson.

Fylgiskjal 1.13.**ÁKVÖRÐUN RÁÐSINS (SSUÖ) 2023/457**

frá 2. mars 2023

um breytingu á ákvörðun 2014/119/SSUÖ um þvingunaraðgerðir sem er beint gegn tilteknum aðilum, rekstrareiningum og stofnunum í ljósi ástandsins í Úkraínu.

Ákvörðun 2014/119/SSUÖ er breytt sem hér segir:

2. mgr. 5. gr. hljóði svo:

Ákvörðunin skal gilda til 6. mars 2024.

Viðaukanum er breytt í samræmi við viðaukann við ákvörðun þessa. (Efnisútdráttur).

VIÐAUKI

[Viðaukinn er birtur á vef Stjórnartíðinda ESB: <http://data.europa.eu/eli/dec/2023/457/oj>].

Fylgiskjal 2.14.**FRAMKVÆMDARREGLUGERÐ RÁÐSINS (ESB) 2023/449**

frá 2. mars 2023

um framkvæmd reglugerðar (ESB) nr. 208/2014 um þvingunaraðgerðir sem er beint gegn tilteknum aðilum, rekstrareiningum og stofnunum í ljósi ástandsins í Úkraínu.

I. viðauka við reglugerð (ESB) nr. 208/2014 skal breytt í samræmi við viðaukann við reglugerð þessa. (Efnisútdráttur).

VIÐAUKI

[Viðaukinn er birtur á vef Stjórnartíðinda ESB: http://data.europa.eu/eli/reg_impl/2023/449/oj].

Fylgiskjal 3.68.**ÁKVÖRÐUN RÁÐSINS (SSUÖ) 2023/432**

frá 25. febrúar 2023

um breytingu á ákvörðun 2014/145/SSUÖ um þvingunaraðgerðir með tilliti til aðgerða sem grafa undan eða ógna landamærahelgi, fullveldi og sjálfstæði Úkraínu.

RÁÐ EVRÓPUSAMBANDSINS HEFUR,

með hliðsjón af sáttmálanum um Evrópusambandið, einkum 29. gr.,

með hliðsjón af tillögu frá æðsta fulltrúa Sambandsins í utanríkis- og öryggismálum,

og að teknu tilliti til eftirfarandi:

- 1) Hinn 17. mars 2014 samþykkti ráðið ákvörðun 2014/145/SSUÖ⁽¹⁾.
- 2) Sambandið styður enn staðfastlega fullveldi og landamærahelgi Úkraínu.
- 3) Í niðurstöðum sínum frá 9. febrúar 2023 ítrekaði leiðtoga ráðið einbeitta fordæmingu sína á árásarstríði Rússlands gegn Úkraínu sem er augljóst brot á sáttmála Sameinuðu þjóðanna. Leiðtoga ráðið ítrekaði einnig að Sambandið er reiðubúið til að halda áfram að efla þvingunaraðgerðir sínar gegn Rússlandi.
- 4) Með tilliti til þess hve ástandið er alvarlegt telur ráðið að bæta ætti 87 aðilum og 34 rekstrareiningum, sem bera ábyrgð á aðgerðum sem grafa undan eða ógna landamærahelgi, fullveldi og sjálfstæði Úkraínu, á skrána yfir aðila, rekstrareiningar og stofnanir sem þvingunaraðgerðir taka til, sem sett er fram í viðaukanum við ákvörðun 2014/145/SSUÖ.
- 5) Einnig þykir rétt að rýmka undanþágur frá frystingu eigna og banni við að gera fjármuni og efnahagslegan auð aðgengilegan, sem giltu um banka sem hafa þegar verið færðir á skrá, svo þær nái yfir þrjá banka sem

nýlega hafa verið færðir á skrá og til að heimila vinnslu greiðslna af hálfu umboðsráðs gyðinga (e. *Jewish Claims Conference*) fyrir milligöngu eins þeirra.

- 6) Einnig þykir rétt að heimila að tilteknir frystir fjármunir eða efnahagslegur auður sem nauðsynlegur er fyrir ráðstöfun eða framsal verðbréfa af hálfu rekstrareiningar með staðfestu í Sambandinu og sem er eins og stendur eða hefur áður verið undir stjórn tiltekinnar rekstrareiningar sem er á skrá verði gerður aðgengilegur. Loks þykir rétt að heimila að afhenda eða gera aðgengilega tiltekna frosna fjármuni eða efnahagslegan auð sem nauðsynlegur er til að slíta rekstri, samningum eða öðru samkomulagi við rekstrareiningu sem er á skrá og framlengja frest fyrir undanþáguna til að heimila sölu og yfirfærslu á eignarrétti í lögaðila, rekstrareiningu eða stofnun með staðfestu í Sambandinu, sem er í eigu einstaklings, lögaðila, rekstrareiningar eða stofnunar sem er á skrá, um þrjá mánuði.
- 7) Frekari aðgerða er þörf af hálfu Sambandsins til þess að hrinda tilteknum aðgerðum í framkvæmd.
- 8) Því ætti að breyta ákvörðun 2014/145/SSUÖ til samræmis við það.

SAMÞYKKT ÁKVÖRÐUN ÞESSA:

I. gr.

Ákvörðun 2014/145/SSUÖ er breytt sem hér segir:

1) Í 2. gr.:

- a) Í a-lið 10. mgr. kemur dagsetningin „31. maí 2023“ í stað „28. febrúar 2023“.
- b) Í 17. mgr. kemur tilvísun í „færslunúmer 53, 54, 55, 79, 80, 81, 82, 108, 126, 127, 198, 199 og 200 undir fyrirsögninni „Rekstrareiningar“ í viðaukanum“ í stað tilvísunar í „færslunúmer 53, 54, 55, 79, 80, 81, 82, 108, 126 og 127 undir fyrirsögninni „Rekstrareiningar“ í viðaukanum“.
- c) Eftirfarandi málsgreinum er bætt við:

„21. Þrátt fyrir 1. og 2. mgr. geta lögbær stjórnvöld aðildarríkis heimilað að tilteknir frystir fjármunir eða efnahagslegur auður, sem tilheyrir rekstrareiningunum sem skráðar eru undir færslunúmer 198, 199 og 200 undir fyrirsögninni „Rekstrareiningar“ í viðaukanum, verði affrystur eða tilteknir fjármunir eða efnahagslegur auður verði gerður aðgengilegur þessum rekstrareiningum, samkvæmt þeim skilyrðum sem lögbæru stjórnvöldin ákveða að eigi við og eftir að hafa ákvarðað að slíkir fjármunir eða efnahagslegur auður sé nauðsynlegur til að slíta rekstri, samningum eða öðru samkomulagi fyrir 26. ágúst 2023, þ.m.t. millibankatengslum, sem gert var við þessar rekstrareiningar fyrir 25. febrúar 2023, eða, að því er varðar rekstrareininguna sem skráð er undir færslunúmeri 198 undir fyrirsögninni „Rekstrareiningar“ í viðaukanum, fyrir færslur vegna greiðslu fjármuna af hálfu umboðsráðs gyðinga (e. *Jewish Claims Conference*) til bótaþega í Rússneska sambandsríkinu fyrir 26. nóvember 2023, án tillits til þess hvenær rekstur, samningar eða önnur samkomulög voru gerð. Viðkomandi aðildarríki skal tilkynna hinum aðildarríkjunum og framkvæmdastjórninni um sérhverja heimild sem veitt er samkvæmt þessari málsgrein innan tveggja vikna frá því að hún er veitt.

22. Þrátt fyrir ákvæði 1. og 2. mgr. geta lögbær stjórnvöld aðildarríkis, samkvæmt þeim skilyrðum sem þau telja viðeigandi, heimilað að tilteknir frystir fjármunir eða efnahagslegur auður, sem tilheyrir rekstrareiningunni sem skráð er undir færslunúmer 101 undir fyrirsögninni „Rekstrareiningar“ í viðaukanum, verði affrystur eða tilteknir fjármunir eða efnahagslegur auður verði gerður aðgengilegur þessum rekstrareiningum, eftir að hafa ákvarðað að:

- a) þeir fjármunir eða efnahagslegur auður sé nauðsynlegur fyrir ráðstöfun eða framsal verðbréfa rekstrareiningar með staðfestu í Sambandinu sem er eins og stendur eða hefur áður verið undir stjórn rekstrareiningar sem skráð er undir færslunúmeri 82 undir „Rekstrareiningar“ í viðaukanum,
- b) þeirri ráðstöfun eða framsali sé lokið fyrir 24. júlí 2023 og
- c) sú ráðstöfun eða framsal fari fram á grundvelli rekstrar, samninga eða annars samkomulags sem gert er við, eða tekur á annan hátt til, rekstrareiningar sem skráð er undir færslunúmeri 101 undir fyrirsögninni „Rekstrareiningar“ í viðaukanum fyrir 3. júní 2022.

23. Þrátt fyrir 1. og 2. mgr. geta lögbær stjórnvöld aðildarríkis, samkvæmt þeim skilyrðum sem þau telja viðeigandi, heimilað að tilteknir frystir fjármunir eða efnahagslegur auður, sem tilheyrir rekstrareiningunni sem skráð er undir færslunúmer 190 undir fyrirsögninni „Rekstrareiningar“ í viðaukanum, verði affrystur eða tilteknir fjármunir eða efnahagslegur auður verði gerður aðgengilegur þessari rekstrareiningu, eftir að hafa ákvarðað að slíkir fjármunir eða efnahagslegur auður sé nauðsynlegur til að, eigi síðar en 26. ágúst 2023, slíta rekstri, samningum eða öðru samkomulagi þ.m.t. millibankatengslum, sem gert var við þessa rekstrareiningu fyrir 25. febrúar 2023.“

2) Viðaukanum við ákvörðun 2014/145/SSUÖ er breytt til samræmis við viðaukann við þessa ákvörðun.

2. gr.

Ákvörðun þessi öðlast gildi daginn sem hún birtist í *Stjórnartíðindum Evrópusambandsins*.

Gjört í Brussel 25. febrúar 2023.

Fyrir hönd ráðsins,

forseti.

J. ROSWALL

VIÐAUKI

[Viðaukinn er birtur á vef Stjórnartíðinda ESB: <http://data.europa.eu/eli/dec/2023/432/oj>].

⁽¹⁾ Ákvörðun ráðsins 2014/145/SSUÖ frá 17. mars 2014 um þvingunaraðgerðir með tilliti til aðgerða sem grafa undan eða ógna landamærahelgi, fullveldi og sjálfstæði Úkraínu (Stjtíð. ESB L 78, 17.3.2014, bls. 16).

Fylgiskjal 3.69.

ÁKVÖRDUN RÁÐSINS (SSUÖ) 2023/572

frá 13. mars 2023

um breytingu á ákvörðun 2014/145/SSUÖ um þvingunaraðgerðir með tilliti til aðgerða sem grafa undan eða ógna landamærahelgi, fullveldi og sjálfstæði Úkraínu.

2. mgr. 6. gr. er skipt út fyrir eftirfarandi: Ákvörðunin skal gilda til 15. september 2023. (Efnisútdráttur).

VIÐAUKI

[Viðaukinn er birtur á vef Stjórnartíðinda ESB: <http://data.europa.eu/eli/dec/2023/572/oj>].

Fylgiskjal 4.76.

REGLUGERÐ RÁÐSINS (ESB) 2023/426

frá 25. febrúar 2023

um breytingu á reglugerð (ESB) nr. 269/2014 um þvingunaraðgerðir með tilliti til aðgerða sem grafa undan eða ógna landamærahelgi, fullveldi og sjálfstæði Úkraínu.

RÁÐ EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins, einkum 215. gr.,

með hliðsjón af ákvörðun ráðsins 2014/145/SSUÖ frá 17. mars 2014 um þvingunaraðgerðir með tilliti til aðgerða sem grafa undan eða ógna landamærahelgi, fullveldi og sjálfstæði Úkraínu⁽¹⁾,

með hliðsjón af sameiginlegri tillögu frá æðsta fulltrúa Sambandsins í utanríkis- og öryggismálum og framkvæmdastjórn Evrópusambandsins,

og að teknu tilliti til eftirfarandi:

- 1) Með reglugerð ráðsins (ESB) nr. 269/2014⁽²⁾ koma þær þvingunaraðgerðir til framkvæmda sem kveðið er á um í ákvörðun 2014/145/SSUÖ.
- 2) Hinn 25. febrúar 2023 samþykkti ráðið ákvörðun (SSUÖ) 2023/432⁽³⁾, um breytingu á ákvörðun 2014/145/SSUÖ. Með ákvörðun (SSUÖ) 2023/432 voru undanþágur frá frýstingu eigna og banni við að gera fjármuni og efnahagslegan auð aðgengilegan, sem giltu um banka sem höfðu áður verið færðir á skrá, rýmkaðar svo þær nái yfir tiltekna banka sem nýlega hafa verið færðir á skrá og til að heimila vinnslu greiðslna af hálfu umboðsráðs gyðinga (e. *Jewish Claims Conference*) fyrir milligöngu eins þeirra. Með ákvörðun (SSUÖ) 2023/432 var einnig innleidd sértæk og tímabundin undanþága sem heimilar ráðstöfun

eða framsal verðbréfa af hálfu rekstrareiningar með staðfestu í Sambandinu og sem er eins og stendur eða hefur áður verið undir stjórn tiltekinnar rekstrareiningar sem er á skrá. Með ákvörðun (SSUÖ) 2023/432 var enn fremur innleidd undanþága sem gerir kleift að slíta rekstri, samningum eða öðru samkomulagi við rekstrareiningu sem er á skrá og frestur fyrir undanþáguna til að heimila sölu og yfirfærslu á eignarrétti í lögaðila, rekstrareiningu eða stofnun með staðfestu í Sambandinu, sem er í eigu einstaklings, lögaðila, rekstrareiningar eða stofnunar sem er á skrá, framlengdur um þrjá mánuði.

- 3) Rétt þykir að krefjast þess að einstaklingar, lögaðilar, rekstrareiningar og stofnanir láti lögbærum innlendum stjórnvöldum í té ítarlegar upplýsingar um fjármuni og efnahagslegan auð sem hefur verið frystur eða hefði átt að meðhöndla sem frystan, sem og upplýsingar um fjármuni og efnahagslegan auð sem tilheyrir, er í eigu, vörslu eða undir stjórn einstaklinga, lögaðila, rekstrareininga eða stofnana sem eru á skrá og sætti hvers konar flutningi, tilfærslu, breytingu, notkun, aðgangi eða viðskiptum skömmu fyrir færslu á skrána. Einnig þykir rétt að krefjast þess að verðbréfamistöðvar, vegna kerfislegs mikilvægis þeirra fyrir starfsemi verðbréfamarkaða, veiti hlutaðeigandi aðildarríki og framkvæmdastjórninni samtímis viðeigandi upplýsingar. Skýrslugjafarskyldan kemur til viðbótar skilvirkri beitingu ákvæðanna um eignafyrstingu og hefur ekki áhrif á peningalega starfsemi Seðlabanka Evrópu og seðlabanka aðildarríkjanna og meginreglu þeirra um sjálfstæði.
- 4) Einnig þykir rétt að tilgreina þá tegund upplýsinga sem veita skal lögbærum innlendum stjórnvöldum, sem þau stjórnvöld ættu síðan að senda til framkvæmdastjórnarinnar með tilteknum aðlögunum ef um meðferð sakamála er að ræða. Til að gefa tíma til aðlögunar þykir rétt að kveða á um frestun beitingar ítarlegri skýrslugjafarkrafna. Einnig ætti að skýra að aðildarríkjunum og viðkomandi einstaklingum, lögaðilum, rekstrareiningum og stofnunum er skylt að vinna með framkvæmdastjórninni að því að sannreyna slíkar upplýsingar og að framkvæmdastjórnin ætti að geta óskað eftir viðbótarupplýsingum, um leið og hún upplýsir hlutaðeigandi aðildarríki um slíka beiðni.
- 5) Þessar breytingar falla undir gildissvið sáttmálans og því er lagasetning á vettvangi Sambandsins nauðsynleg til að hrinda þeim í framkvæmd, einkum til að tryggja sé að þeim sé beitt með samræmdum hætti í öllum aðildarríkjunum.
- 6) Því ætti að breyta reglugerð (ESB) nr. 269/2014 til samræmis við það.

SAMÞYKKT REGLUGERÐ ÞESSA:

1. gr.

Reglugerð (ESB) nr. 269/2014 er breytt sem hér segir:

- 1) Í 6. gr. b bætist eftirfarandi málsgrein við:

„2d. Þrátt fyrir 2. gr. geta lögbær stjórnvöld aðildarríkis heimilað að tilteknir frystir fjármunir eða efnahagslegur auður, sem tilheyrir þeim rekstrareiningum sem skráðar eru undir færslunúmer 198, 199 og 200 undir fyrirsögninni „Rekstrareiningar“ í I. viðauka, verði affrystur eða tilteknir fjármunir eða efnahagslegur auður verði gerður aðgengilegur þessum rekstrareiningum, samkvæmt þeim skilyrðum sem lögbæru stjórnvöldin ákveða að eigi við og eftir að hafa ákvarðað að slíkir fjármunir eða efnahagslegur auður sé nauðsynlegur til að slíta eigi síðar en 26. ágúst 2023 rekstri, samningum eða öðru samkomulagi, þ.m.t. millibankatengslum, sem gert var við þessar rekstrareiningar fyrir 25. febrúar 2023 eða, að því er varðar rekstrareininguna sem skráð er undir færslunúmer 198 undir fyrirsögninni „Rekstrareiningar“ í I. viðauka, fyrir færslur vegna greiðslu fjármuna af hálfu umboðsráðs gyðinga (e. *Jewish Claims Conference*) til bótaþega í Rússneska sambandsríkinu eigi síðar en 26. nóvember 2023, án tillits til þess hvenær viðkomandi rekstur, samningar eða annað samkomulag var gert.“

- 2) Í 6. gr. b bætast eftirfarandi málsgreinar við:

„5a. Þrátt fyrir 1. mgr. 2. gr. geta lögbær stjórnvöld í aðildarríkjunum heimilað, samkvæmt þeim skilyrðum sem þau telja viðeigandi, að tilteknir frystir fjármunir eða efnahagslegur auður, í vörslu þeirrar rekstrareiningar sem skráð er undir færslunúmer 101 undir fyrirsögninni „Rekstrareiningar“ í I. viðauka, verði affrystur eða tilteknir fjármunir eða efnahagslegur auður verði gerður aðgengilegur þeirri rekstrareiningu, eftir að hafa ákvarðað að:

- a) slíkir fjármunir eða efnahagslegur auður sé nauðsynlegur fyrir ráðstöfun eða framsal verðbréfa af hálfu rekstrareiningar með staðfestu í Sambandinu, sem er eins og stendur eða hefur áður verið undir stjórn þeirrar rekstrareiningar sem skráð er undir færslunúmer 82 undir fyrirsögninni „Rekstrareiningar“ í I. viðauka,
- b) þeirri ráðstöfun eða framsali verði lokið fyrir 24. júlí 2023 og

- c) ráðstöfunin eða framsalið fari fram á grundvelli rekstrar, samninga eða annars samkomulags sem gert er við, eða snertir á annan hátt, þá rekstrareiningu sem skráð er undir færslunúmer 101 undir fyrir-sögninni „Rekstrareiningar“ í I. viðauka fyrir 3. júní 2022.

5b. Þrátt fyrir 1. mgr. 2. gr. geta lögbær stjórnvöld í aðildarríkjunum heimilað, samkvæmt þeim skilyrðum sem þau telja viðeigandi, að tilteknir frystir fjármunir eða efnahagslegur auður, í vörslu þeirrar rekstrar-einingar sem skráð er undir færslunúmer 190 undir fyrir-sögninni „Rekstrareiningar“ í I. viðauka, verði affrystur eða tilteknir fjármunir eða efnahagslegur auður verði gerður aðgengilegur þeirri rekstrareiningu, eftir að hafa ákvarðað að slíkir fjármunir eða efnahagslegur auður sé nauðsynlegur til að slíta eigi síðar en 26. ágúst 2023 rekstri, samningum eða öðru samkomulagi sem gert var við, eða snertir á annan hátt, þessa rekstrareiningu fyrir 25. febrúar 2023.“

- 3) Í a-lið 3. mgr. 6. gr. b kemur dagsetningin „31. maí 2023“ í stað „28. febrúar 2023“.
- 4) Í 1. mgr. 6. gr. e kemur tilvísun í „færslunúmer 53, 54, 55, 79, 80, 81, 82, 108, 126, 127, 198, 199 og 200 undir fyrir-sögninni „Rekstrareiningar“ í I. viðauka“ í stað tilvísunar í „færslunúmer 53, 54, 55, 79, 80, 81, 82, 108, 126 og 127 í I. viðauka“.
- 5) Í stað 8. gr. kemur eftirfarandi:

„8. gr.

1. Einstaklingar, lögaðilar, rekstrareiningar og stofnanir skulu, þrátt fyrir gildandi reglur um skýrslugjöf, trúnaðarkvöð og þagnarskyldu:

- a) beina, án tafar, öllum upplýsingum sem myndu greiða fyrir framkvæmd þessarar reglugerðar, t.d.:
- upplýsingum um fjármuni og efnahagslegan auð sem er frystur í samræmi við 2. gr. eða upplýsingum sem þeir eða þær búa yfir um fjármuni og efnahagslegan auð innan yfirráðasvæðis Sambandsins sem tilheyrir, er í eigu, vörslu eða undir stjórn einstaklinga, lögaðila, rekstrareininga eða stofnana sem eru á skrá í I. viðauka og sem hefur ekki verið meðhöndlaður sem frystur af þeim einstaklingum, lögaðilum, rekstrareiningum og stofnunum sem til þess hafa skyldu, til viðkomandi lögbærs stjórnvalds í því aðildarríki þar sem þeir eða þær hafa heimilisfesti eða eru staðsettir eða staðsettar, innan tveggja vikna frá því að hafa fengið þessar upplýsingar,
 - upplýsingum sem þeir eða þær búa yfir um fjármuni og efnahagslegan auð innan yfirráðasvæðis Sambandsins sem tilheyrir, er í eigu, vörslu eða undir stjórn einstaklinga, lögaðila, rekstrareininga eða stofnana sem eru á skrá í I. viðauka og hefur sætt hvers konar flutningi, tilfærslu, breytingu, notkun á, aðgangi að eða viðskiptum sem um getur í e- eða f-lið 1. gr. í tvær vikur fyrir færslu þessara einstaklinga, lögaðila, rekstrareininga eða stofnana á skrá í I. viðauka, til viðkomandi lögbærs stjórnvalds í því aðildarríki þar sem þeir eða þær hafa heimilisfesti eða eru staðsettir eða staðsettar, innan tveggja vikna frá því að hafa fengið þessar upplýsingar,

og

- b) vinna með lögbæra stjórnvaldinu að því að sannreyna þessar upplýsingar.

1a. Upplýsingar sem eru látnar í té skv. 1. mgr. þessarar greinar um fjármuni og efnahagslegan auð sem er frystur í samræmi við 2. gr. skulu innihalda a.m.k. eftirfarandi:

- a) upplýsingar sem tilgreina þá einstaklinga, lögaðila, rekstrareiningar eða stofnanir sem eiga, hafa í vörslu sinni eða stjórna viðkomandi frystum fjármunum og efnahagslegum auði, þ.m.t. nöfn þeirra, heimilisföng og virðisaukaskattsnúmer eða auðkennisnúmer hjá skattvörðum,
- b) fjárhæð eða markaðsvirði slíkra fjármuna eða efnahagslegs auðs á tilkynningardegi og dagsetningu frystingar og
- c) tegundir fjármuna, sundurliðað samkvæmt þeim flokkum sem eru settir fram í i.-vii. lið g-liðar 1. gr., sem og sýndareigna og annarra viðeigandi flokka og viðbótarflokks sem samsvarar efnahagslegum auði í skilningi d-liðar 1. gr. Í hverjum þessara flokka og þar sem það liggur fyrir, magn, staðsetningu og aðra viðeigandi þætti viðkomandi fjármuna eða efnahagslegs auðs.

1b. Hlutaðeigandi aðildarríki skal senda framkvæmdastjórninni þær upplýsingar sem það veitir viðtöku skv. 1. mgr. og 1. mgr. a innan tveggja vikna frá viðtöku þeirra. Hlutaðeigandi aðildarríki getur sent slíkar upplýsingar á nafnlausu formi ef rannsóknar- eða dómsyfirvald hefur lýst þær trúnaðarmál í tengslum við yfirstandandi rannsóknir sakamála eða dómsmeðferð sakamála.

Verðbréfamiðstöðvar í skilningi reglugerðar Evrópuþingsins og ráðsins (ESB) nr. 909/2014^(*) skulu veita lögbæru stjórnvaldi í því aðildarríki þar sem þær eru staðsettar þær upplýsingar sem um getur í 1. mgr. og 1. mgr. a og upplýsingar um óvenjulegt og ófyrirséð tap og tjón varðandi viðkomandi fjármuni og efnahags-

legan auð, innan tveggja vikna frá því að hafa fengið þær og á þriggja mánaða fresti eftir það og senda þær samtímis til framkvæmdastjórnarinnar.

1c. Aðildarríki og viðkomandi einstaklingar, lögaðilar, rekstrareiningar og stofnanir skulu vinna með framkvæmdastjórninni að því að sannreyna upplýsingar varðandi fjármuni eða efnahagslegan auð sem um getur í 1. mgr. og 1. mgr. a. Framkvæmdastjórnin getur óskað eftir öllum viðbótarupplýsingum sem hún þarf til að geta framkvæmt slíka sannprófun. Ef slíkri beiðni er beint til einstaklings, lögaðila, rekstrareiningar eða stofnunar skal framkvæmdastjórnin samtímis senda hana til hlutaðeigandi aðildarríkis.

2. Allar viðbótarupplýsingar, sem framkvæmdastjórnin veitir viðtöku beint, skulu gerðar aðgengilegar aðildarríkjunum.

3. Allar upplýsingar, sem lögbærum stjórnvöldum aðildarríkjanna eru láttnar í té eða þau veita viðtöku samkvæmt ákvæðum þessarar greinar, eru eingöngu ætlaðar þessum stjórnvöldum til notkunar í sama tilgangi og leiddi til þess að þær voru veittar eða þeim veitt viðtaka.

4. Lögbær stjórnvöld aðildarríkjanna, þ.m.t. fullnustuyfirvöld og stjórnendur opinberra skráa þar sem einstaklingar, lögaðilar, rekstrareiningar og stofnanir sem og fasteignir eða lausafé er skráð, skulu vinna úr og skiptast á upplýsingum, þ.m.t. persónuupplýsingum og ef nauðsyn krefur þeim upplýsingum sem um getur í 1. mgr. og 1. mgr. a, við önnur lögbær stjórnvöld aðildarríkjanna og við framkvæmdastjórnina.

5. Hvers konar vinnsla persónuupplýsinga skal fara fram í samræmi við þessa reglugerð og reglugerðir Evrópuþingsins og ráðsins (ESB) 2016/679^(*) og (ESB) 2018/1725^(**) og einungis að því marki sem nauðsynlegt er vegna beitingar þessarar reglugerðar og til að tryggja skilvirka samvinnu milli aðildarríkja og við framkvæmdastjórnina við beitingu þessarar reglugerðar.

(¹) Reglugerð Evrópuþingsins og ráðsins (ESB) nr. 909/2014 frá 23. júlí 2014 um bætt verðbréfauppgjör í Evrópusambandinu og um verðbréfamíðstöðvar og um breytingu á tilskipunum 98/26/EB og 2014/65/ESB og reglugerð (ESB) nr. 236/2012 (Stjtið. ESB L 257, 28.8.2014, bls. 1).

(²) Reglugerð Evrópuþingsins og ráðsins (ESB) 2016/679 frá 27. apríl 2016 um vernd einstaklinga í tengslum við vinnslu persónuupplýsinga og um frjálsa miðlun slíkra upplýsinga og niðurfellingu tilskipunar 95/46/EB (almenna persónuverndar-reglugerðin) (Stjtið. ESB L 119, 4.5.2016, bls. 1).

(³) Reglugerð Evrópuþingsins og ráðsins (ESB) 2018/1725 frá 23. október 2018 um vernd einstaklinga í tengslum við vinnslu stofnana, aðila, skrifstofa og sérstofnana Sambandsins á persónuupplýsingum og um frjálsa miðlun slíkra upplýsinga og um niðurfellingu reglugerðar (EB) nr. 45/2001 og ákvörðunar nr. 1247/2002/EB (Stjtið. ESB L 295, 21.11.2018, bls. 39).“

6) Í stað a-liðar 1. mgr. 12. gr. kemur eftirfarandi:

„a) um frysta fjármuni og efnahagslegan auð skv. 2. gr. og heimildir sem veittar eru samkvæmt þeim undanþágum sem eru settar fram í þessari reglugerð“.

2. gr.

Reglugerð þessi öðlast gildi daginn sem hún birtist í *Stjórnartíðindum Evrópusambandsins*.

Ákvæði 5. liðar 1. gr. koma til framkvæmda frá og með 26. apríl 2023.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 25. febrúar 2023.

Fyrir hönd ráðsins,

forseti.

J. ROSWALL

(¹) Stjtið. ESB L 78, 17.3.2014, bls. 16.

(²) Reglugerð ráðsins (ESB) nr. 269/2014 frá 17. mars 2014 um þvingunaraðgerðir með tilliti til aðgerða sem grafa undan eða ógna landamærahelgi, fullveldi og sjálfstæði Úkraínu (Stjtið. ESB L 78, 17.3.2014, bls. 6).

(³) Ákvörðun ráðsins (SSUÖ) 2023/432 frá 25. febrúar 2023 um breytingu á ákvörðun 2014/145/SSUÖ um þvingunaraðgerðir með tilliti til aðgerða sem grafa undan eða ógna landamærahelgi, fullveldi og sjálfstæði Úkraínu (Stjtið. ESB L 59, 25.2.2023, bls. 437).

Fylgiskjal 4.77.**FRAMKVÆMDARREGLUGERÐ RÁÐSINS (ESB) 2023/429**

frá 25. febrúar 2023

um framkvæmd reglugerðar (ESB) nr. 269/2014 um þvingunaraðgerðir með tilliti til aðgerða sem grafa undan eða ógna landamærahelgi, fullveldi og sjálfstæði Úkraínu.

Viðauka I við reglugerð (ESB) nr. 269/2014 er breytt í samræmi við viðauka við reglugerð þessa. (Efnisútdráttur).

VIÐAUKI

[Viðaukinn er birtur á vef Stjórnartíðinda ESB: http://data.europa.eu/eli/reg_impl/2023/429/oj].**Fylgiskjal 4.78.****FRAMKVÆMDARREGLUGERÐ RÁÐSINS (ESB) 2023/571**

frá 13. mars 2023

um framkvæmd reglugerðar (ESB) nr. 269/2014 um þvingunaraðgerðir með tilliti til aðgerða sem grafa undan eða ógna landamærahelgi, fullveldi og sjálfstæði Úkraínu.

Viðauka I við reglugerð (ESB) nr. 269/2014 er breytt í samræmi við viðauka við reglugerð þessa. (Efnisútdráttur).

VIÐAUKI

[Viðaukinn er birtur á vef Stjórnartíðinda ESB: http://data.europa.eu/eli/reg_impl/2023/571/oj].**Fylgiskjal 7.31.****ÁKVÖRÐUN RÁÐSINS (SSUÖ) 2023/434**

frá 25. febrúar 2023

um breytingu á ákvörðun 2014/512/SSUÖ um þvingunaraðgerðir í ljósi aðgerða Rússlands sem grafa undan stöðugleika í Úkraínu.

RÁÐ EVRÓPUSAMBANDSINS HEFUR,

með hliðsjón af sáttmálanum um Evrópusambandið, einkum 29. gr.,

með hliðsjón af tillögu frá æðsta fulltrúa Sambandsins í utanríkis- og öryggismálum,

og að teknu tilliti til eftirfarandi:

- 1) Hinn 31. júlí 2014 samþykkti ráðið ákvörðun 2014/512/SSUÖ⁽¹⁾.
- 2) Sambandið styður enn staðfastlega fullveldi og landamærahelgi Úkraínu.
- 3) Í niðurstöðum sínum frá 9. febrúar 2023 ítrekaði leiðtogaráðið einbeitta fordæmingu sína á árásarstríði Rússlands gegn Úkraínu sem er augljóst brot á sáttmála Sameinuðu þjóðanna. Leiðtogaráðið ítrekaði einnig að Sambandið er reiðubúið til að halda áfram að herða þvingunaraðgerðir sínar gegn Rússlandi og lýsti því yfir að ráðstafanir vegna? sniðgöngu yrðu efldar.
- 4) Í ljósi þess hversu ástandið er alvarlegt og til að bregðast við árásarstríði Rússlands gegn Úkraínu þykir rétt að innleiða frekari þvingunaraðgerðir.
- 5) Einkum þykir rétt að takmarka möguleika á að gegna störfum í stjórnun mikilvægra rekstrareininga, eins og þær eru skilgreindar í tilskipun Evrópuþingsins og ráðsins (ESB) 2022/2557⁽²⁾, mikilvægra evrópskra innviða, eins og þeir eru skilgreindir í tilskipun ráðsins 2008/114/EB⁽³⁾ og mikilvægra innviða, eins og þeir eru skilgreindir í tilskipun 2008/114/EB og tilskipun (ESB) 2022/2557. Í ljósi þess að mikilvægar rekstrareiningar og innviðir gegna, sem veitendur nauðsynlegrar þjónustu, ómissandi hlutverki við að viðhalda mikilvægum samfélagslegum þáttum eða atvinnustarfsemi á innri markaðnum, í hagkerfi Sambandsins þar sem aðilar eru í sívaxandi mæli háðir hverjir öðrum, gætu áhrif Rússlands innan slíkra rekstrareininga og innviða teft í tvísýnu góðri starfsemi þeirra þannig að veiting grundvallarþjónustu til evrópskra borgara stafi hætta af.

- 6) Lagarammi Sambandsins um mikilvæga innviði er settur fram í tilskipun ráðsins 2008/114/EB, sem er felld niður frá og með 18. október 2024, um að greina og tilnefna þýðingarmikil grunnvirki í Evrópu og tilskipun (ESB) 2022/2557 um viðnámsþrótt mikilvægra rekstrareininga með það að markmiði að efla viðnámsþrótt mikilvægra rekstrareininga á innri markaðinum með samræmdum lágmarksreglum og aðstoða þær með samræmdum og sérhæfðum stuðningi og eftirlitsráðstöfunum. Í samræmi við gildandi lagaramma gildir nýja bannið við því að gegna störfum í stjórnun til 18. október 2024 um mikilvæga evrópska innviði og mikilvæga innviði, eins og þeir eru skilgreindir í tilskipun 2008/114/EB, sem eru greindir eða tilgreindir sem slíkir samkvæmt landslögum. Frá og með 18. október 2024 gildir nýja bannið um mikilvægar rekstrareiningar og mikilvæga innviði samkvæmt skilgreiningu tilskipunar (ESB) 2022/2557. Í tilskipun (ESB) 2022/2557 er mælt fyrir um þá skyldu aðildarríkjanna að greina fyrir 17. júlí 2026 í landslögum mikilvægar rekstrareiningar fyrir þá geira og undirgeira sem settir eru fram í viðaukanum við hana. Því mun nýtt bann við því að gegna starfi í stjórnun ná til allra mikilvægra rekstrareininga sem eru greindar eða tilgreindar sem slíkar af aðildarríkjunum frá og með 17. júlí 2026.
- 7) Einnig þykir rétt að leggja bann við því að láta rússneskum ríkisborgurum, einstaklingum sem eru búsettir í Rússlandi eða lögaðilum eða rekstrareiningum með staðfestu í Rússlandi í té geymslurými fyrir gas í Sambandinu. Geymslurými fyrir gas er mikilvæg eign með tilliti til afhendingaröryggis gass í Sambandinu og því er bann nauðsynlegt til að koma í veg fyrir að Rússland vopnavæði afhendingu á gasi og áhættu á markaðsmisnotkun sem myndi vera skaðleg fyrir mikilvæga orkuafhendingu í Sambandinu.
- 8) Til að koma í veg fyrir sniðgöngu á og tryggja að farið sé eftir banni við því að loftför, sem ekki eru skráð í Rússlandi, sem eru í eigu eða leigu eða á annan hátt undir yfirráðum rússneskra einstaklinga, lögaðila, rekstrareininga eða stofnana, fái heimild til að lenda á, hefja sig til flugs frá eða fljúga yfir yfirráðasvæði Sambandsins þykir rétt að taka upp þá skyldu fyrir flugrekendur að þeir tilkynni óreglubundið flug til lögbærra stjórnvalda sinna. Hlutaðeigandi aðildarríki skal tafarlaust tilkynna öðrum aðildarríkjum, netstjórnanda og framkvæmdastjórninni ef það heimilar ekki slíkt flug.
- 9) Einnig þykir rétt, til að lágmarka hættu á sniðgöngu á þvingunaraðgerðum, að leggja bann við umflutningi um yfirráðasvæði Rússlands á vörum og tækni með tvíþætt notagildi og vopnum sem flutt eru út frá Sambandinu.
- 10) Einnig þykir rétt að bæta 96 færslum á skrána yfir lögaðila, rekstrareiningar og stofnanir, sem sett er fram í IV. viðauka við ákvörðun 2014/512/SSUÖ, þ.e. skrána yfir rekstrareiningar sem styðja hergagnaiðnað í Rússlandi í árásarstríði þess gegn Úkraínu, sem eru látnar sæta þrengri takmörkunum á útflutningi að því er varðar vörur og tækni með tvíþætt notagildi, sem og vörur og tækni sem kunna að stuðla að tæknilegri eflingu í varnar- og öryggismálum Rússlands. Að teknu tilliti til beinna tengsla milli íranskra framleiðenda ómannaðra loftfara og hergagnaiðnaðarins í Rússlandi og þess að raunveruleg hættu er á að tiltekna vörur eða tækni séu notuð við framleiðslu á hernaðarkerfum sem notuð eru í árásarstríði Rússlands gegn Úkraínu, hafa nokkrir íranskir rekstraraðilar verið færðir á þessa skrá.
- 11) Einnig þykir rétt að framlengja tímabundna sviptingu á útsendingarleyfum rússneskra fjölmiðla í Sambandinu, sem eru undir varanlegri stjórn forystu Rússneska sambandsríkisins, og bann við útsendingu á efni þeirra.
- 12) Rússneska sambandsríkið hefur stundað kerfisbundna, alþjóðlega herferð sem felur í sér misnotkun fjölmiðla og afbökun staðreynda í því skyni að efla stefnuáætlun sína um að grafa undan stöðugleika í aðliggjandi löndum og í Sambandinu og aðildarríkjum þess. Einkum hefur áróðurinn endurtekið og með samræmdum hætti beinst að evrópskum stjórnmalaflokkum, sérstaklega í aðdraganda kosninga, ásamt borgaralegu samfélagi, umsækjendum um hæli, rússneskum þjóðernisminnihlutum, kynbundnum minnihlutahópum og virkni lýðræðisstofnana í Sambandinu og aðildarríkjum þess.
- 13) Til að réttlæta og styðja við árásarstríð sitt gegn Úkraínu hefur Rússneska sambandsríkið stundað samfelldar og samstilltar áróðursaðgerðir sem beint er gegn borgaralegu samfélagi í Sambandinu og aðliggjandi löndum, með alvarlegri afbökun og misnotkun á staðreyndum.
- 14) Þessum áróðursaðgerðum hefur verið beint í gegnum fjölda fjölmiðla undir varanlegri beinni eða óbeinni stjórn forystu Rússneska sambandsríkisins. Slíkar aðgerðir fela í sér umtalsverða og beina ógn við allsherjarreglu og öryggi Sambandsins. Þessir fjölmiðlar eru nauðsynlegir og virkir í því að stuðla að og styðja við árásarstríð gegn Úkraínu og að grafa undan stöðugleika aðliggjandi landa.
- 15) Í ljósi þess hversu alvarleg staðan er og til að bregðast við árásarstríði Rússlands gegn Úkraínu er nauðsynlegt, í samræmi við grundvallarréttindi og frelsi sem viðurkennt er í sáttmálanum um grundvallarréttindi, einkum réttinn til tjáningar- og upplýsingafrelsis eins og hann er viðurkenndur í 11. gr. sáttmálans, að innleiða frekari þvingunaraðgerðir til að stöðva tímabundið útvarpsrekstur slíkra fjölmiðla í Sambandinu eða sem beint er gegn Sambandinu. Þessum ráðstöfunum ætti að viðhalda þar til árásarstríðið gegn Úkraínu

er stöðvað og þar til Rússneska sambandsríkið og tengdir fjölmiðlar hætta að stunda áróðursaðgerðir gegn Sambandinu og aðildarríkjum þess.

- 16) Í samræmi við grundvallarréttindi og frelsi sem viðurkennd eru í sáttmálanum um grundvallarréttindi, einkum réttinn til tjáningar- og upplýsingafrelsis, frelsis til atvinnurekstrar og eignarréttinn eins og hann er viðurkenndur í 11., 16. og 17. gr. sáttmálans, koma þessar ráðstafanir ekki í veg fyrir að fjölmiðlar og starfsfólk þeirra stundi aðra starfsemi í Sambandinu en útvarpsrekstur, eins og rannsóknir og viðtöl. Einkum breyta þessar ráðstafanir ekki þeirri skyldu að virða þau réttindi, frelsi og meginreglur sem um getur í 6. gr. sáttmálans um Evrópusambandið, þ.m.t. í sáttmálanum um grundvallarréttindi og stjórnarskrám aðildarríkjanna, á viðkomandi gildissviðum þeirra.
- 17) Sambandið hefur einsett sér að forðast ógnir við siglingaöryggi. Af þessum sökum þykir rétt að taka upp tiltekna undanþágur fyrir rekstraraðila í Sambandinu til að veita lóðsþjónustu fyrir skip á meinlausri siglingu, eins og hún er skilgreind í alþjóðalögum, sem er nauðsynleg í þágu siglingaöryggis.
- 18) Til að tryggja réttaröryggi að því er varðar meðhöndlun innflutnings þykir einnig rétt að kveða á um reglur um afhendingu tollyfirvalda aðildarríkjanna á vörum sem eru staðsettar í Sambandinu og sem höfðu þegar verið lagðar fram til tollyfirvalda þegar þær féllu undir slíkar takmarkanir. Þessi möguleiki gildir óháð þeim málsmeðferðarreglum sem vörurnar voru færðar undir eftir að þær voru lagðar fram til tollskoðunar (umflutningur, innri aðvinnsla, afgreiðsla í frjálst flæði, o.s.frv.) eða þeim þrepum og formsatriðum í málsmeðferðinni samkvæmt tollalögum Sambandsins sem nauðsynleg eru fyrir afhendingu. Einnig þykir rétt að heimila aðildarríkjum að afhenda vörur sem áður hafa verið fluttar inn í Sambandið. Þetta er nauðsynlegt í þágu þeirra rekstraraðila í Sambandinu sem fluttu þessar vörur inn í Sambandið í góðri trú á tíma þegar þær féllu ekki enn undir innflutningstakmarkanir, þ.m.t. þegar innflutningur þeirra var enn heimilaður á slita-tímabili. Lögbær stjórnvöld aðildarríkja ættu að tryggja að afhending vara og greiðslur í tengslum við hana fari að ákvæðum og markmiðum þvingunaraðgerða Sambandsins. Með sama hætti ættu ákvarðanir um að heimila ekki afhendingu slíkra vara að fara að þessum markmiðum og tryggja, meðal annars, að vörum sé ekki skilað til Rússlands.
- 19) Einnig þykir rétt að rýmka skrána yfir samstarfslönd sem beita röð ráðstafana varðandi útflutningseftirlit sem eru í meginatriðum jafngildar ráðstöfunum sem eru settar fram í ákvörðun 2014/512/SSUÖ.
- 20) Einnig þykir rétt að innleiða eða framlengja tiltekna undanþágur eða frávik sem tengjast tilteknum ráðstöfunum, ásamt því að gera tiltekna tæknilegar leiðréttingar á megintextanum.
- 21) Frekari aðgerða er þörf af hálfu Sambandsins til þess að hrinda tilteknum aðgerðum í framkvæmd.
- 22) Því ætti að breyta ákvörðun 2014/512/SSUÖ til samræmis við það.

SAMÞYKKT ÁKVÖRÐUN ÞESSA:

1. gr.

Ákvörðun 2014/512/SSUÖ er breytt sem hér segir:

- 1) Ákvæðum 1. gr. aa er breytt sem hér segir:
 - a) Eftirfarandi kemur í stað d-liðar 3. mgr.:

„d) viðskipti, þ.m.t. sölur, sem eru bráðnauðsynleg vegna slita, fyrir 31. desember 2023, á fyrirtæki um sameiginlegt verkefni eða svipaðs lagalegs fyrirkomulags sem gert er fyrir 16. mars 2022 og tekur til lögaðila, rekstrareiningar eða stofnunar sem um getur í 1. mgr.“
 - b) Eftirfarandi liður bætist við í 3. mgr.:

„h) veiting lóðsþjónustu fyrir skip á meinlausri siglingu, eins og hún er skilgreind í alþjóðalögum, sem er nauðsynleg í þágu siglingaöryggis.“
 - c) Eftirfarandi kemur í stað 3. mgr. a:

„3a. Þrátt fyrir 1. mgr. geta lögbær stjórnvöld heimilað viðskipti, með þeim skilyrðum sem þau telja viðeigandi, sem eru bráðnauðsynleg til að rekstrareiningarnar sem um getur í 1. mgr. eða dótturfélög þeirra í Sambandinu geti, fyrir 31. desember 2023, losað um fjárfestingar sínar og dregið sig út úr lögaðila, rekstrareiningu eða stofnun með staðfestu í Sambandinu.“
- 2) Eftirfarandi greinar bætast við:

„1. gr. l

1. Frá 27. mars 2023 er lagt bann lagt við því að heimila rússneskum ríkisborgurum eða einstaklingum sem eru búsettir í Rússlandi að gegna störfum í stjórnum eigenda eða rekstraraðila mikilvægra innviða, mikilvægra evrópskra innviða og mikilvægra rekstrareininga.
2. Ákvæði 1. mgr. gilda ekki um ríkisborgara aðildarríkis, lands sem á aðild að Evrópska efnahagssvæðinu eða Sviss.

1. gr. m

1. Lagt er bann við því að láta í té geymslurými, eins og það er skilgreint í 28. lið 1. mgr. 2. gr. reglugerðar Evrópuþingsins og ráðsins (EB) nr. 715/2009^(*), innan geymsluaðstöðu, eins og hún er skilgreind í 9. lið 2. gr. tilskipunar Evrópuþingsins og ráðsins 2009/73/EB^(**), nema í þeim hluta geymsluaðstöðu fyrir fljótandi jarðgas sem er notað til geymslu:

- a) rússneskum ríkisborgara, einstaklingi sem er búsettur í Rússlandi eða lögaðila, rekstrareiningu eða stofnun með staðfestu í Rússlandi,
- b) lögaðila, rekstrareiningu eða stofnun sem lögaðili, rekstrareining eða stofnun, sem um getur í a-lið þessarar málsgreinar, á yfir 50% eignarhlut í með beinum eða óbeinum hætti eða
- c) einstaklingi, lögaðila, rekstrareiningu eða stofnun sem kemur fram fyrir hönd eða starfar eftir fyrir-mælum lögaðila, rekstrareiningar eða stofnunar sem um getur í a- eða b-lið þessarar málsgreinar.

2. Ákvæði 1. mgr. gilda ekki um aðgerðir sem eru bráðnauðsynlegar til að slíta, eigi síðar en 27. mars 2023, samningum sem eru ekki í samræmi við ákvæði þessarar greinar og voru gerðir fyrir 26. febrúar 2023 eða fylgisamningum sem nauðsynlegir eru vegna framkvæmdar slíkra samninga.

3. Þrátt fyrir 1. mgr. geta lögbær stjórnvöld heimilað, með þeim skilyrðum sem þau telja viðeigandi, að geymslurými sé látið í té, eins og um getur í 1. mgr., þegar gengið hefur úr skugga um að það sé nauðsynlegt til að tryggja mikilvæga orkuafhendingu innan Sambandsins.

4. Hlutaðeigandi aðildarríki skal eða skulu tilkynna hinum aðildarríkjunum og framkvæmdastjórninni um sérhverja heimild sem veitt er skv. 3. mgr. innan tveggja vikna frá því að hún er veitt.

^(*) Reglugerð Evrópuþingsins og ráðsins (EB) nr. 715/2009 frá 13. júlí 2009 um skilyrði fyrir aðgangi að flutningskerfum fyrir jarðgas og um niðurfellingu á reglugerð (EB) nr. 1775/2005 (Stjtið. ESB L 211, 14.8.2009, bls. 36).

^(**) Tilskipun Evrópuþingsins og ráðsins 2009/73/EB frá 13. júlí 2009 um sameiginlegar reglur um innri markaðinn fyrir jarðgas og um niðurfellingu á tilskipun 2003/55/EB (Stjtið. ESB L 211, 14.8.2009, bls. 94).“

3) Eftirfarandi málsgreinar bætast við í 3. gr.:

„1a. Lagt er bann við umflutningi um yfirráðasvæði Rússlands á vörum og tækni með tvíþætt notagildi, eins og um getur í 1. mgr., sem er flutt út frá Sambandinu.“

3a. Með fyrirvara um kröfur vegna heimilda samkvæmt reglugerð (ESB) 2021/821 gildir bannið í 1. mgr. a í þessari grein ekki um umflutning um yfirráðasvæði Rússlands á vörum og tækni með tvíþætt notagildi sem nota á í þeim tilgangi sem fram kemur í a- til e-lið 3. mgr. þessarar greinar.

4a. Þrátt fyrir 1. mgr. a og með fyrirvara um kröfur vegna heimilda samkvæmt reglugerð (ESB) 2021/821 geta lögbær stjórnvöld heimilað umflutning um yfirráðasvæði Rússlands á vörum og tækni með tvíþætt notagildi þegar gengið hefur verið úr skugga um að nota eigi slíkar vörur eða tækni í þeim tilgangi sem fram kemur í b-, c-, d- og h-lið 4. mgr. þessarar greinar.“

4) Eftirfarandi málsgrein bætist við í 3. gr. aa:

„1a. Lagt er bann við umflutningi um yfirráðasvæði Rússlands á skotvopnum, hlutum þeirra og nauðsynlegum íhlutum og skotfærum, eins og um getur í 1. mgr., sem eru flutt út frá Sambandinu.“

5) Eftirfarandi málsgrein bætist við í 4. gr. d:

„5c. Að því er varðar vörur sem eru á skrá í D-hluta XI. viðauka við reglugerð (ESB) nr. 833/2014 gilda bönnin í 1. og 4. mgr. þessarar greinar ekki fyrr en 27. mars 2023 um framkvæmd samninga sem gerðir voru fyrir 26. febrúar 2023 eða fylgisamninga sem nauðsynlegir eru vegna framkvæmdar slíkra samninga.“

6) Eftirfarandi málsgreinar bætast við í 4. gr. e:

„5. Flugrekendur í óreglubundnu flugi milli Rússlands og Sambandsins, beint eða um þriðja land, skulu tilkynna allar viðeigandi upplýsingar varðandi flugið lögbærum stjórnvöldum sínum áður en flug hefst og með a.m.k. 48 klst. fyrirvara.“

6. Ef synjað er um flug, sem tilkynnt er í samræmi við 5. mgr., skal hlutaðeigandi aðildarríki þegar í stað tilkynna það hinum aðildarríkjunum, netstjórnanda og framkvæmdastjórninni.“

7) Ákvæðum 4. gr. k er breytt sem hér segir:

a) Eftirfarandi málsgreinar bætast við:

„3d. Að því er varðar vörur sem eru á skrá í C-hluta XXI. viðauka við reglugerð (ESB) nr. 833/2014 gilda bönnin í 1. og 2. mgr. þessarar greinar ekki fyrr en 27. maí 2023 um framkvæmd samninga sem gerðir voru fyrir 26. febrúar 2023 eða fylgisamninga sem nauðsynlegir eru vegna framkvæmdar slíkra samninga.

Þetta ákvæði gildir ekki um vörur sem falla undir SN-númer 2803 og 4002, sem eru á skrá í C-hluta XXI. viðauka við reglugerð (ESB) nr. 833/2014, sem ákvæði 3. mgr. da þessarar greinar gilda um.

3da. Bönnin í 1. og 2. mgr. gilda ekki um innflutning, kaup eða flutning, eða tengda tækni- eða fjárhagsaðstoð, sem er nauðsynleg vegna innflutnings inn í Sambandið, til 30. júní 2024, á eftirfarandi magni:

- a) 752 475 tonnum að því er varðar vörur sem falla undir SN-númer 2803,
- b) 562 973 tonnum að því er varðar vörur sem falla undir SN-númer 4002.“

b) Eftirfarandi kemur í stað 5. mgr.:

„5. Framkvæmdastjórnin og aðildarríkin skulu stýra magni innflutningskvóta sem sett er fram í 3. mgr. da og 4. mgr. í samræmi við stjórnunarkerfið fyrir tollkvóta sem kveðið er á um í 49.–54. gr. framkvæmdarreglugerðar framkvæmdastjórnarinnar (ESB) 2015/2447^(*).“

(*) Framkvæmdarreglugerð framkvæmdastjórnarinnar (ESB) 2015/2447 frá 24. nóvember 2015 um ítarlegar reglur varðandi framkvæmd tiltekinna ákvæða reglugerðar Evrópuþingsins og ráðsins (ESB) nr. 952/2013 um tollalög Sambandsins (Stjtið. ESB L 343, 29.12.2015, bls. 558).“

8) Ákvæðum 4. gr. m er breytt sem hér segir:

a) Eftirfarandi málsgrein bætist við:

„3c. Að því er varðar vörur sem eru á skrá í C-hluta XXIII. viðauka við reglugerð (ESB) nr. 833/2014 gilda bönnin í 1. og 2. mgr. þessarar greinar ekki fyrr en 27. mars 2023 um framkvæmd samninga sem gerðir voru fyrir 26. febrúar 2023 eða fylgisamninga sem nauðsynlegir eru vegna framkvæmdar slíkra samninga.

Þetta ákvæði gildir ekki um vörur sem falla undir SN-númer 7208 25, 7208 90, 7209 25, 7209 28, 7219 24, sem eru á skrá í C-hluta XXIII. viðauka við reglugerð (ESB) nr. 833/2014, sem 3. mgr. gildir um.“

b) Eftirfarandi kemur í stað 4. mgr. a:

„4a. Lögbær stjórnvöld aðildarríkjanna geta heimilað, samkvæmt þeim skilyrðum sem þau telja viðeigandi, sölu, afhendingu, tilflutning eða útflutning vara sem falla undir SN-númer 8417 20 eða veitingu tengdrar tækni- eða fjárhagsaðstoðar eftir að hafa ákvarðað að slíkar vörur eða veiting tengdrar tækni- eða fjárhagsaðstoðar sé nauðsynleg til persónulegra heimilisnota einstaklinga.“

c) Eftirfarandi málsgrein bætist við:

„4b. Þrátt fyrir 1. og 2. mgr. þessarar greinar geta lögbær stjórnvöld heimilað, með þeim skilyrðum sem þau telja viðeigandi, sölu, afhendingu, tilflutning eða útflutning vara sem eru á skrá í C-hluta XXIII. viðauka við reglugerð (ESB) nr. 833/2014, eða veitingu tengdrar tækniástoðar, miðlunarþjónustu, fjármögnunar eða fjárhagsástoðar, eftir að hafa ákvarðað að það sé bráðnauðsynlegt vegna framleiðslu titániumvara sem þarf fyrir flugiðnaðinn þar sem ekki liggja fyrir aðrir kostir.“

d) Eftirfarandi kemur í stað 5. mgr. a:

„5a. Við afgreiðslu beiðna um heimildir, sem um getur í 4. mgr. a, 4. mgr. b og 5. mgr., skulu lögbær stjórnvöld ekki veita heimild til útflutnings til handa einstaklingi, lögaðila, rekstrareiningu eða stofnun í Rússlandi eða til notkunar þar í landi ef þau hafa réttmæta ástæðu til að ætla að vörurnar séu til hernaðarnota.“

9) Ákvæðum 4. gr. r er breytt sem hér segir:

a) Eftirfarandi málsgrein bætist við:

„2a. Þrátt fyrir 1. gr. k geta lögbær stjórnvöld heimilað áframhaldandi veitingu þjónustu sem er á skrá þar til 31. desember 2023 ef slík veiting þjónustu er bráðnauðsynleg til þess að losa um fjárfestingar í Rússlandi eða slíta atvinnustarfsemi í Rússlandi, að því tilskildu að eftirfarandi skilyrði séu uppfyllt:

- a) slík þjónusta, sem varðar losun fjárfestinga, er einungis veitt lögaðilum, rekstrareiningum eða stofnunum og í þágu þeirra,

b) lögbær stjórnvöld sem taka ákvörðun um beiðnir um heimildir hafi enga réttmæta ástæðu til að ætla að þjónustan kunni að verða veitt, með beinum eða óbeinum hætti, ríkisstjórn Rússlands eða endanlegum notanda á hernaðarlegu sviði eða séu til hernaðarnota í Rússlandi.“

b) Ákvæðum 4. mgr. er breytt sem hér segir:

„4. Viðkomandi aðildarríki skal tilkynna hinum aðildarríkjunum og framkvæmdastjórninni um sérhverja heimild sem veitt er skv. 1. mgr., 2. mgr. eða 2. mgr. a innan tveggja vikna frá því að hún er veitt.“

10) Eftirfarandi greinar bætast við:

„4. gr. s

Bannið við veitingu tæknilegrar aðstoðar sem mælt er fyrir um í þessari reglugerð gildir ekki um veitingu lóðsþjónustu fyrir skip á meinlausri siglingu, eins og hún er skilgreind í alþjóðalögum, sem er nauðsynleg í þágu siglingaöryggis.

4. gr. t

1. Að því er varðar bann við innflutningi vara sem kveðið er á um í þessari ákvörðun er tollyfirvöldum heimilt að afhenda vöru í Sambandinu eins og kveðið er á um í 26. lið 5. gr. tollalaga Sambandsins^(*), að því tilskildu að vörurnar hafi verið lagðar fram til tollskoðunar í samræmi við 134. gr. tollalaga Sambandsins fyrir komu eða gildistöðudag viðkomandi innflutningsbanns, hvort sem ber upp síðar.

2. Heimila skal öll nauðsynleg þrep í málsmeðferðinni vegna afhendingar, sem um getur í 1. og 5. mgr., á viðkomandi vörum samkvæmt tollalögum Sambandsins.

3. Tollyfirvöld skulu ekki heimila afhendingu varanna ef þau hafa rökstuddan grun um sniðgöngu og skulu ekki heimila endurútlutning þeirra til Rússlands.

4. Greiðslur í tengslum við slíkar vörur skulu vera í samræmi við ákvæði og markmið þessarar ákvörðunar, einkum bannið við kaupum, og ákvörðunar 2014/145/SSUÖ.

5. Vörur sem voru stöðvaðar við beitingu þessarar ákvörðunar, sem eru staðsettar í Sambandinu og sem lagðar voru fram til tollskoðunar fyrir 26. febrúar 2023, mega tollyfirvöld afhenda með þeim skilyrðum sem kveðið er á um í 1., 2., 3. og 4. mgr.

^(*) Reglugerð Evrópuþingsins og ráðsins (ESB) nr. 952/2013 frá 9. október 2013 um tollalög Sambandsins (Stjtið. ESB L 269, 10.10.2013, bls. 1).“

11) Viðaukunum er breytt eins og fram kemur í viðaukanum við þessa ákvörðun.

Ákvæði 11. liðar gilda, að því er varðar eina eða fleiri af þeim rekstrareiningum sem um getur í 3. lið viðaukans við þessa ákvörðun, frá og með 10. apríl 2023 og að því tilskildu að ráðið taki, eftir að hafa kannað viðkomandi mál, einróma ákvörðun þar að lútandi.

2. gr.

Ákvörðun þessi öðlast gildi daginn eftir að hún birtist í *Stjórnartíðindum Evrópusambandsins*.

Gjört í Brussel 25. febrúar 2023.

Fyrir hönd ráðsins,

forseti.

J. ROSWALL

(¹) Ákvörðun ráðsins 2014/512/SSUÖ frá 31. júlí 2014 um þvingunaraðgerðir í ljósi aðgerða Rússlands sem grafa undan stöðugleika í Úkraínu (Stjttíð. ESB L 229, 31.7.2014, bls. 13).

(²) Tilskipun Evrópuþingsins og ráðsins (ESB) 2022/2557 frá 14. desember 2022 um viðnámsþrótt mikilvægra eininga og niðurfellingu á tilskipun ráðsins 2008/114/EB (Stjttíð. ESB L 333, 27.12.2022, bls. 164).

(³) Tilskipun ráðsins 2008/114/EB frá 8. desember 2008 um að greina og tilnefna þýðingarmikil grunnvirki í Evrópu og meta þörfina á að efla vernd þeirra (Stjttíð. ESB L 345, 23.12.2008, bls. 75).

VIÐAUKI

[Viðaukar eru birtir á vef Stjórnartíðinda ESB: <http://data.europa.eu/eli/dec/2023/434/oj>].

Fylgiskjal 8.23.

REGLUGERÐ RÁÐSINS (SSUÖ) 2023/427

frá 25. febrúar 2023

um breytingu á reglugerð (ESB) nr. 833/2014 um þvingunaraðgerðir í ljósi aðgerða Rússlands sem grafa undan stöðugleika í Úkraínu.

RÁÐ EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins, einkum 215. gr.,

með hliðsjón af ákvörðun ráðsins (SSUÖ) 2023/434 frá 25. febrúar 2023 um breytingu á ákvörðun 2014/512/SSUÖ um þvingunaraðgerðir í ljósi aðgerða Rússlands sem grafa undan stöðugleika í Úkraínu(¹),

með hliðsjón af sameiginlegri tillögu frá æðsta fulltrúa Sambandsins í utanríkis- og öryggismálum og framkvæmdastjórn Evrópusambandsins,

og að teknu tilliti til eftirfarandi:

- 1) Hinn 31. júlí 2014 samþykkti ráðið reglugerð (ESB) nr. 833/2014(²) um þvingunaraðgerðir í ljósi aðgerða Rússlands sem grafa undan stöðugleika í Úkraínu.
- 2) Með reglugerð (ESB) nr. 833/2014 koma til framkvæmda tilteknar aðgerðir sem kveðið er á um í ákvörðun ráðsins 2014/512/SSUÖ(³).
- 3) Hinn 25. febrúar 2023 samþykkti ráðið ákvörðun (SSUÖ) 2023/434 um breytingu á ákvörðun 2014/512/SSUÖ.
- 4) Með ákvörðun (SSUÖ) 2023/434 er skráin yfir rekstrareiningar sem styðja beint við hergagnaiðnað í Rússlandi í árásarstríði þess gegn Úkraínu, sem eru látnar sæta þrengri takmörkunum á útflutningi að því er varðar vörur og tækni með tvíþætt notagildi, sem og vörur og tækni sem kunna að stuðla að tæknilegri eflingu í varnar- og öryggismálum Rússlands, vikkuð út með því að bæta 96 nýjum rekstrareiningum við skrána. Að teknu tilliti til beinna tengsla á milli íranskra framleiðenda ómannaðra loftfara og hergagnaiðnaðarins í Rússlandi og þess að raunveruleg hættu er á að tilteknar vörur eða tækni séu notuð við framleiðslu á hernaðarkerfum sem notuð eru í árásarstríði Rússlands gegn Úkraínu, hafa nokkrar íranskar rekstrareiningar verið færðar á skrá yfir einstaklinga, lögaðila, rekstraraðila og stofnanir sem falla undir þvingunaraðgerðir sem settar eru fram í IV. viðauka við ákvörðun 2014/512/SSUÖ.
- 5) Rétt þykir að auka við skrána yfir hluti sem sæta takmörkunum og sem kunna að stuðla að hernaðarlegri og tæknilegri eflingu Rússlands eða þróun þess á sviði varnarmála og öryggismála með því að bæta á skrána sjaldgæfum jarðefnum og efnasamböndum, rafeindasamrásnum og hitamyndavélum, meðal annars.
- 6) Með ákvörðun (SSUÖ) 2023/434 er skráin yfir samstarfslönd sem beita röð ráðstafana varðandi útflutningseftirlit sem eru í meginatriðum jafngildar ráðstöfunum sem eru settar fram í reglugerð (ESB) nr. 833/2014 rýmkuð.
- 7) Með ákvörðun (SSUÖ) 2023/434 eru lögð frekari útflutningshöft á vörur sem gætu einkum stuðlað að því að auka getu Rússlands á sviði iðnaðar. Auk þess eru með þessari ákvörðun lögð frekari innflutningshöft á vörur sem afla umtalsverðra tekna fyrir Rússland og gera því þannig kleift að halda áfram árásarstríðinu gegn Úkraínu.
- 8) Enn fremur, til að lágmarka áhættu á sniðgöngu á þvingunaraðgerðum, er í ákvörðun (SSUÖ) 2023/434 lagt bann við umflutningi um yfirráðasvæði Rússlands á vörum og tækni með tvíþætt notagildi og vopnum sem flutt eru út frá Sambandinu.

- 9) Með ákvörðun (SSUÖ) 2023/434 er tímabundin svipting á útsendingarleyfum rússneskra fjölmiðla í Sambandinu, sem eru undir varanlegri stjórn forystu Rússneska sambandsríkisins, og bann við útsendingu á efni þeirra framlengd.
- 10) Rússneska sambandsríkið hefur stundað kerfisbundna, alþjóðlega herferð sem felur í sér misnotkun fjölmiðla og afbökun staðreynda í því skyni að efla stefnuáætlun sína um að grafa undan stöðugleika í aðliggjandi löndum og í Sambandinu og aðildarríkjum þess. Einkum hefur áróðurinn endurtekið og með samræmdum hætti beinst að evrópskum stjórn málaflökkum, sérstaklega í aðdraganda kosninga, ásamt borgaralegu samfélagi, umsækjendum um hæli, rússneskum þjóðernisminnihlutum, kynbundnum minnihlutahópum og virkni lýðræðisstofnana í Sambandinu og aðildarríkjum þess.
- 11) Til að réttlæta og styðja við árásarstríð sitt gegn Úkraínu hefur Rússneska sambandsríkið stundað samfelldar og samstilltar áróðursaðgerðir sem beint er að borgaralegu samfélagi í Sambandinu og aðliggjandi löndum, með alvarlegri afbökun og misnotkun á staðreyndum.
- 12) Þessum áróðursaðgerðum hefur verið beint í gegnum fjölda fjölmiðla undir varanlegri beinni eða óbeinni stjórn forystu Rússneska sambandsríkisins. Slíkar aðgerðir fela í sér umtalsverða og beina ógn við allsherjarreglu og öryggi Sambandsins. Þessir fjölmiðlar eru nauðsynlegir og virkir í því að stuðla að og styðja við árásarstríð gegn Úkraínu og að grafa undan stöðugleika aðliggjandi landa.
- 13) Í ljósi þess hversu alvarleg staðan er og til að bregðast við árásarstríði Rússlands gegn Úkraínu er nauðsynlegt, í samræmi við grundvallarréttindi og frelsi sem viðurkennt er í sáttmálanum um grundvallarréttindi, einkum réttinn til tjáningar- og upplýsingafrelsis eins og hann er viðurkenndur í 11. gr. sáttmálans, að innleiða frekari þvingunaraðgerðir til að stöðva tímabundið útvarpsrekstur slíkra fjölmiðla í Sambandinu eða sem beint er gegn Sambandinu. Þessum ráðstöfunum ætti að viðhalda þar til árásir gegn Úkraínu eru stöðvaðar og þar til Rússneska sambandsríkið og tengdir fjölmiðlar hætta að stunda áróðursaðgerðir gegn Sambandinu og aðildarríkjum þess.
- 14) Í samræmi við grundvallarréttindi og frelsi sem viðurkennd eru í sáttmálanum um grundvallarréttindi, einkum réttinn til tjáningar- og upplýsingafrelsis, frelsis til atvinnurekstrar og eignarréttinn eins og hann er viðurkenndur í 11., 16. og 17. gr. sáttmálans, koma þessar ráðstafanir ekki í veg fyrir að fjölmiðlar og starfsfólk þeirra stundi aðra starfsemi í Sambandinu en útvarpsrekstur, eins og rannsóknir og viðtöl. Einkum breyta þessar ráðstafanir ekki þeirri skyldu að virða þau réttindi, frelsi og meginreglur sem um getur í 6. gr. sáttmálans um Evrópusambandið, þ.m.t. í sáttmálanum um grundvallarréttindi og stjórnarskrám aðildarríkjana, á viðkomandi gildissviðum þeirra.
- 15) Til þess að tryggja samræmi við aðferðina í ákvörðun 2014/512/SSUÖ við að fella útsendingarleyfi tímabundið úr gildi ætti ráðið að nýta framkvæmdarvald til að ákveða, að lokinni athugun á viðkomandi málum, hvort þvingunaraðgerðir eigi að taka gildi, á dagsetningunni sem er tilgreind í þessari reglugerð, að því er varðar ýmsar rekstrareiningar sem skráðar eru í XV. viðauka við reglugerð (ESB) nr. 833/2014.
- 16) Mikilvægir innviðir og rekstrareiningar gegna, sem veitendur nauðsynlegrar þjónustu, ómissandi hlutverki við að viðhalda mikilvægum samfélagslegum þáttum eða atvinnustarfsemi á innri markaðinum í hagkerfi Sambandsins þar sem aðilar eru í sívaxandi mæli háðir hverjir öðrum. Lagarammi Sambandsins er settur fram í tilskipun ráðsins 2008/114/EB⁽⁴⁾, sem er felld niður frá og með 18. október 2024, um að greina og tilnefna þýðingarmikil grunnvirki í Evrópu og tilskipun Evrópuþingsins og ráðsins (ESB) 2022/2557⁽⁵⁾ um viðnám mikilvægra rekstrareininga með það að markmiði að efla viðnámsþrótt slíkra mikilvægra rekstrareininga á innri markaðinum með samræmdum lágmarksreglum og aðstoða þær með samræmdum og sérhæfðum stuðningi og eftirlitsráðstöfunum.
- 17) Áhrif Rússlands á slík grunnvirki og rekstrareiningar gætu teft í tvísýnu góðri starfsemi þeirra þannig að veiting grundvallarþjónustu til evrópskra borgara stafi hætta af. Því er viðeigandi að takmarka möguleikann á því að gegna störfum í stjórnnum þessara rekstrareininga.
- 18) Í samræmi við gildandi lagarammi gildir nýja bannið við því að gegna störfum í stjórnnum um mikilvæga evrópska innviði og mikilvæga innviði sem eru greindir eða tilgreindir sem slíkir samkvæmt landslögum, eins og skilgreint er í tilskipun 2008/114/EB, sem gildir til 18. október 2024. Frá 18. október 2024 gildir nýja bannið um mikilvægar rekstrareiningar og mikilvæga innviði samkvæmt skilgreiningu tilskipunar (ESB) 2022/2557. Í tilskipun (ESB) 2022/2557 er mælt fyrir um þá skyldu aðildarríkjana að greina fyrir 17. júlí 2026 í landslögum mikilvægar rekstrareiningar fyrir þá geira og undirgeira sem settir eru fram í viðaukanum við hana. Því mun nýtt bann við því að gegna starfi í stjórnnum ná til allra mikilvægra rekstrareininga sem eru greindar eða tilgreindar sem slíkar af aðildarríkjunum frá og með 17. júlí 2026.
- 19) Þar sem geymslurými fyrir gas er mikilvæg eign fyrir afhendingaröryggi á gasi í Sambandinu er í ákvörðun (SSUÖ) 2023/434 lagt bann við því að veita geymslurými fyrir gas í Sambandinu fyrir rússneska ríkis-

borgara, einstaklinga sem hafa heimilisfesti í Rússlandi eða lögaðila eða rekstrareiningar með staðfestu í Rússlandi. Þetta er nauðsynlegt til að koma í veg fyrir að Rússland vopnavæði afhendingu á gasi og áhættu á markaðsmisnotkun sem myndi vera skaðleg fyrir mikilvæga orkuafhendingu í Sambandinu.

- 20) Til að koma í veg fyrir sniðgöngu á og tryggja að farið sé eftir banni við loftför sem ekki eru skráð í Rússlandi, sem eru í eigu eða leigu eða á annan hátt undir yfirráðum rússneskra einstaklinga, lögaðila, rekstrareininga eða stofnana, um heimild til að lenda á, hefja sig til flugs frá eða fljúga yfir yfirráðasvæði Sambandsins er í ákvörðun (SSUÖ) 2023/434 innleidd skylda fyrir flugrekendur um að tilkynna óreglubundið flug til lögbærra stjórnvalda. Hlutaðeigandi aðildarríki skal tafarlaust tilkynna öðrum aðildarríkjum, netstjórnanda og framkvæmdastjórninni ef það heimilar ekki slíkt flug.
- 21) Með ákvörðun (SSUÖ) 2023/434 er gildistími undanþágunnar frá banninu við því að eiga viðskipti við tiltekna rekstrareiningar í eigu rússneska ríkisins framlengdur ef viðskiptin eru bráðnauðsynleg vegna slita fyrirtækis um sameiginlegt verkefni eða svipaðs lagalegs fyrirkomulags. Hún framlengir einnig tímabilið þar sem lögbær stjórnvöld aðildarríkja mega heimila viðskipti sem eru nauðsynleg til þess að þessar rekstrareiningar í eigu rússneska ríkisins geti losað um fjárfestingar sínar og dregið sig út úr fyrirtækjum í Sambandinu.
- 22) Til að tryggja samræmda beitingu á banni við viðskiptum að því er varðar stjórnun á varasjóði og eignum Seðlabanka Rússlands þykir rétt að krefjast þess að einstaklingar, lögaðilar, rekstraraðilar og stofnanir láti lögbærum stjórnvöldum aðildarríkjanna og framkvæmdastjórninni í té upplýsingar um slíkar eignir og varasjóði sem þau hafa í vörslu sinni eða ráða yfir eða eru mótaðilar að. Einnig þykir rétt að tilgreina tegund upplýsinga sem á að veita og hvernig eigi að meðhöndla og nota þær til að tryggja samræmda beitingu þessarar skýrslugjafarskyldu. Einnig ætti að skýra að aðildarríki og viðkomandi einstaklingar, lögaðilar, rekstrareiningar og stofnanir skuli vinna með framkvæmdastjórninni að því að sannreyna slíkar upplýsingar og að framkvæmdastjórnin geti óskað eftir viðbótarupplýsingum, um leið og hún upplýsir hlutaðeigandi aðildarríki um slíka beiðni. Skýrslugjafarskyldan kemur til viðbótar skilvirkri beitingu á banninu við viðskiptum að því er varðar stjórnun á varasjóði og eignum Seðlabanka Rússlands og hefur ekki áhrif á peningaleg hlutverk og meginreglu Seðlabanka Evrópu og seðlabanka aðildarríkjanna um sjálfstæði. Til að gefa tíma til aðlögunar þykir rétt að kveða á um frestun beitingar nýrra skýrslugjafarkrafa.
- 23) Til að greiða frekar fyrir fjárlosun rekstraraðila í Sambandinu á rússneska markaðnum er með ákvörðun (SSUÖ) 2023/434 innleidd tímabundin undanþága frá banni við því að veita tiltekna þjónustu sem sett er fram í reglugerð (ESB) 833/2014. Til að greiða fyrir skjótri útgöngu af rússneska markaðnum er þessi undanþága tímabundin og með takmarkað gildissvið og gerir kleift til og með 31. desember 2023 að halda áfram að veita þjónustu til og eingöngu til góða fyrir lögaðila, rekstrareiningar eða stofnanir sem verða til við fjárlosunina. Auk þess ættu lögbær stjórnvöld aðildarríkjanna að tryggja að þjónusta sé ekki veitt ríkisstjórn Rússlands eða koma hernaðarlegum endanotendum til góða eða hafa hernaðarlega endanlega notkun.
- 24) Sambandið hefur einsett sér að forðast ógnir við siglingaöryggi. Af þessum sökum er kveðið á um tiltekna undanþágu í ákvörðun (SSUÖ) 2023/434 fyrir rekstraraðila í Sambandinu til að veita lóðsþjónustu fyrir skip á meinlausri siglingu eins og hún er skilgreind í alþjóðalögum sem er nauðsynleg í þágu siglingaöryggis.
- 25) Til að tryggja réttaröryggi að því er varðar meðhöndlun innflutnings er í ákvörðun (SSUÖ) 2023/434 kveðið á um reglur um afhendingu tolyfirvalda aðildarríkjanna á vörum sem eru staðsettar í Sambandinu og sem höfðu þegar verið lagðar fram til tolyfirvalda þegar þær féllu undir slíkar takmarkanir. Þessi möguleiki gildir óháð þeim málsmeðferðarreglum sem vörurnar voru færðar undir eftir að þær voru lagðar fram til tollskoðunar (umflutningur, innri aðvinnsla, afgreiðsla í frjálst flæði, o.s.frv.) eða þeim þrepum og formsatriðum í málsmeðferðinni samkvæmt tollalögum Sambandsins sem nauðsynleg eru fyrir afhendingu. Í ákvörðun (SSUÖ) 2023/434 er aðildarríkjum einnig heimilað að afhenda vörur sem áður hafa verið fluttar inn í Sambandið. Þetta er nauðsynlegt í þágu þeirra rekstraraðila í Sambandinu sem fluttu þessar vörur inn í Sambandið í góðri trú á tíma þegar þær féllu ekki enn undir innflutningstakmarkanir, þ.m.t. þegar innflutningur þeirra var enn heimilaður á slitatímabili. Lögbær stjórnvöld aðildarríkja ættu að tryggja að afhending vara og greiðslur í tengslum við hana fari að ákvæðum og markmiðum þvingunaraðgerða Sambandsins. Með sama hætti ættu ákvarðanir um að heimila ekki afhendingu slíkra vara að fara að þessum markmiðum og tryggja, meðal annars, að vörunum sé ekki skilað til Rússlands.
- 26) Að lokum eru í ákvörðun (SSUÖ) 2023/434 gerðar tiltekna tæknilegar leiðréttingar í megintexta ákvörðunar 2014/512/SSUÖ.
- 27) Þessar aðgerðir falla undir gildissvið sáttmálans um Evrópusambandið og því er lagasetning á vettvangi Sambandsins nauðsynleg, einkum til að tryggja sé að þeim verði beitt með sama hætti í öllum aðildarríkjunum.
- 28) Því ætti að breyta reglugerð (ESB) nr. 833/2014 til samræmis við það.

SAMÞYKKT REGLUGERÐ ÞESSA:

I. gr.

Reglugerð (ESB) nr. 833/2014 er breytt sem hér segir:

1) Eftirfarandi liðir bætast við í 1. gr.:

- „y) „mikilvægar rekstrareiningar“: rekstrareiningar eins og þær eru skilgreindar í 1. mgr. 2. gr. tilskipunar Evrópuþingsins og ráðsins (ESB) nr. 2022/2557^(*),
- z) „mikilvægir innviðir“: innviðir eins og þeir eru skilgreindir í a-lið 2. gr. tilskipunar ráðsins 2008/114/EB^(*) og 4. mgr. 2. gr. tilskipunar (ESB) 2022/2557,
- za) „mikilvægir evrópskir innviðir“: innviðir eins og þeir eru skilgreindir í b-lið 2. mgr. tilskipunar ráðsins 2008/114/EB,
- zb) „eigendur eða rekstraraðilar mikilvægra innviða“: þær rekstrareiningar sem bera ábyrgð á fjárfestingum í og/eða daglegum rekstri tiltekinnar eignar, kerfis eða hluta þess sem er tilgreint sem mikilvægir innviðir eða mikilvægir evrópskir innviðir.

(*) Tilskipun Evrópuþingsins og ráðsins (ESB) 2022/2557 frá 14. desember 2022 um viðnámsþrótt mikilvægra rekstrareininga og niðurfellingu á tilskipun ráðsins 2008/114/EB (Stjtið. ESB L 333, 27.12.2022, bls. 164).

(*) Tilskipun ráðsins 2008/114/EB frá 8. desember 2008 um að greina og tilnefna þýðingarmikil grunnvirki í Evrópu og meta þörfina á að efla vernd þeirra (Stjtið. ESB L 345, 23.12.2008, bls. 75).“

2) Eftirfarandi málsgreinar bætast við 2. gr.:

„1a. Lagt er bann við umflutningi um yfirráðasvæði Rússlands á vörum og tækni með tvíþætt notagildi, eins og um getur í 1. mgr., sem er flutt út frá Sambandinu.

3a. Með fyrirvara um kröfur vegna heimilda samkvæmt reglugerð (ESB) 2021/821 gildir bannið í 1. mgr. a í þessari grein ekki um umflutning um yfirráðasvæði Rússlands á vörum og tækni með tvíþætt notagildi sem nota á í þeim tilgangi sem fram kemur í a- til e-lið 3. mgr. þessarar greinar.

4a. Þrátt fyrir 1. mgr. a og með fyrirvara um kröfur vegna heimilda samkvæmt reglugerð (ESB) 2021/821 geta lögbær stjórnvöld heimilað umflutning um yfirráðasvæði Rússlands á vörum og tækni með tvíþætt notagildi þegar gengið hefur verið úr skugga um að nota eigi slíkar vörur eða tækni í þeim tilgangi sem fram kemur í b-, c-, d- og h-lið 4. mgr. þessarar greinar.“

3) Eftirfarandi málsgrein bætist við 2. gr. aa:

„1a. Lagt er bann við umflutningi um yfirráðasvæði Rússlands á skotvopnum, hlutum þeirra og nauðsynlegum íhlutum og skotfærum, eins og um getur í 1. mgr., sem eru flutt út frá Sambandinu.“

4) Eftirfarandi málsgrein bætist við 3. gr. c:

„5c. Að því er varðar vörur sem eru á skrá í D-hluta XI. viðauka gilda bönnin í 1. og 4. mgr. ekki fyrir en 27. mars 2023 um framkvæmd samninga sem gerðir voru fyrir 26. febrúar 2023 eða fylgisamninga sem nauðsynlegir eru vegna framkvæmdar slíkra samninga.“

5) Eftirfarandi málsgreinar bætast við 3. gr. d:

„5. Flugrekendur í óreglubundnu flugi milli Rússlands og Sambandsins, beint eða um þriðja land, skulu tilkynna allar viðeigandi upplýsingar varðandi flugið lögbærum stjórnvöldum sínum áður en flug hefst og með a.m.k. 48 klst. fyrirvara.

6. Ef synjað er um flug, sem tilkynnt er í samræmi við 5. mgr., skal hlutaðeigandi aðildarríki þegar í stað tilkynna það hinum aðildarríkjunum, netstjórnanda og framkvæmdastjórninni.“

6) Ákvæðum 3. gr. i er breytt sem hér segir:

a) Eftirfarandi málsgreinum er bætt við:

„3d. Að því er varðar þær vörur sem eru á skrá í C-hluta XXI. viðauka skulu bönnin í 1. og 2. mgr. ekki gilda fyrir en 27. maí 2023 um framkvæmd samninga sem gerðir voru fyrir 26. febrúar 2023 eða fylgisamninga sem nauðsynlegir eru vegna framkvæmdar slíkra samninga.

Þetta ákvæði gildir ekki um vörur sem falla undir SN-númer 2803 og 4002, sem eru á skrá í C-hluta XXI. viðauka, sem ákvæði 3da. gilda um.

3da. Bönnin í 1. og 2. mgr. gilda ekki um innflutning, kaup eða flutning, eða tengda tækni- eða fjárhagsaðstoð, sem er nauðsynleg vegna innflutnings inn í Sambandið, til 30. júní 2024, á eftirfarandi magni:

- a) 752 475 tonnum að því er varðar vörur sem falla undir SN-númer 2803,
- b) 562 973 tonnum að því er varðar vörur sem falla undir SN-númer 4002.“

b) Í stað 5. mgr. kemur eftirfarandi:

„5. Framkvæmdastjórnin og aðildarríkin skulu stýra magni innflutningskvóta, sem sett er fram í 3da. og 4. mgr. þessarar greinar, í samræmi við stjórnunarkerfið fyrir tollkvóta sem kveðið er á um í 49.–54. gr. framkvæmdarreglugerðar framkvæmdastjórnarinnar (ESB) 2015/2447^(*).

^(*) Framkvæmdarreglugerð framkvæmdastjórnarinnar (ESB) 2015/2447 frá 24. nóvember 2015 um ítarlegar reglur varðandi framkvæmd tiltekinna ákvæða reglugerðar Evrópuþingsins og ráðsins (ESB) nr. 952/2013 um tollalög Sambandsins (Stjtið. ESB L 343, 29.12.2015, bls. 558).“

7) Ákvæðum 3. gr. k er breytt sem hér segir:

a) Eftirfarandi málsgreinar bætast við:

„3c. Að því er varðar vörur sem eru á skrá í C-hluta XXIII. viðauka gilda bönnin í 1. og 2. mgr. ekki fyrr en 27. mars 2023 um framkvæmd samninga sem gerðir voru fyrir 26. febrúar 2023 eða fylgisamninga sem nauðsynlegir eru vegna framkvæmdar slíkra samninga.

Þetta ákvæði gildir ekki um vörur sem falla undir SN-númer 7208 25, 7208 90, 7209 25, 7209 28, 7219 24, sem eru á skrá í C-hluta XXIII. viðauka, sem 3. mgr. gildir um.

5b. Þrátt fyrir 1. og 2. mgr. geta lögbær stjórnvöld heimilað, samkvæmt þeim skilyrðum sem þau telja viðeigandi, sölu, afhendingu, tilflutning eða útflutning vara sem eru á skrá í C-hluta XXIII. viðauka eða veitingu tengdrar tækniástoðar, miðlunarþjónustu, fjármögnunar eða fjárhagsástoðar eftir að hafa ákvarðað að það sé nauðsynlegt vegna framleiðslu titániumvara sem flugiðnaðurinn þarfnast þar sem ekki liggja fyrir aðrir kostir.“

b) Eftirfarandi kemur í stað 5. gr. a og 6. mgr.:

„5a. Lögbær stjórnvöld aðildarríkjanna geta heimilað, samkvæmt þeim skilyrðum sem þau telja viðeigandi, sölu, afhendingu, tilflutning eða útflutning vara sem falla undir SN-númer 8417 20 eða veitingu tengdrar tækni- eða fjárhagsástoðar eftir að hafa ákvarðað að slíkar vörur eða veiting tengdrar tækni- eða fjárhagsástoðar sé nauðsynleg til persónulegra heimilisnota einstaklinga.

6. Við afgreiðslu beiðna um heimildir, sem um getur í 5. mgr., 5. mgr. a og 5. mgr. b, skulu lögbær stjórnvöld ekki veita heimild til útflutnings til handa einstaklingi, lögaðila, rekstrareiningu eða stofnun í Rússlandi eða til notkunar þar í landi ef þau hafa réttmæta ástæðu til að ætla að vörurnar séu til hernaðarnota.“

8) Eftirfarandi málsgreinar bætast við 5. gr. a:

„4a. Þrátt fyrir gildandi reglur um tilkynningar, trúnaðarkvaðir og þagnarskyldu skulu einstaklingar, lög- aðilar, rekstrareiningar og stofnanir, þ.m.t. Seðlabanki Evrópu, seðlabankar einstakra ríkja, aðilar á fjármálamarkaði, eins og þeir eru skilgreindir í 4. gr. reglugerðar Evrópuþingsins og ráðsins (ESB) nr. 575/2013^(*), váttryggingar- og endurtryggingarfélög, eins og þau eru skilgreind í 13. gr. tilskipunar Evrópuþingsins og ráðsins 2009/138/EB^(*), miðlæggar verðbréfamistöðvar, eins og þær eru skilgreindar í 2. gr. reglugerðar Evrópuþingsins og ráðsins (ESB) nr. 909/2014, og miðlægir mótaðilar, eins og þeir eru skilgreindir í 2. gr. reglugerðar Evrópuþingsins og ráðsins (ESB) nr. 648/2012^(*) láta, eigi síðar en tveimur vikum eftir 26. febrúar 2023, lögbæru stjórnvaldi aðildarríkis þar sem þeir eru búsettir eða staðsettir, og á sama tíma framkvæmdastjórninni, í té upplýsingar um eignir og varasjóði sem um getur í 4. mgr. þessarar greinar sem þau hafa í vörslu sinni eða ráða yfir eða eru mótaðilar að. Uppfæra skal slíkar upplýsingar á þriggja mánaða fresti og skulu þær taka til a.m.k. eftirfarandi:

- a) upplýsinga sem tilgreina einstaklinga, lögaðila, rekstrareiningar eða stofnanir sem eiga, hafa í vörslu sinni eða stjórna slíkum eignum og varasjóðum, þ.m.t. nöfn, heimilisföng og virðisaukaskattsskráning eða auðkennisnúmer hjá skattyfirvöldum,
- b) fjárhæðar eða markaðsvirðis slíkra eigna og varasjóða á tilkynningardegi og kyrrsetningardegi,
- c) tegunda eigna og varasjóða, sundurliðað samkvæmt þeim flokkum sem eru settir fram í i.-vii. lið g-liðar 1. gr. reglugerðar ráðsins (ESB) 269/2014^(*), sem og sýndareigna og annarra viðeigandi flokka, og viðbótarflokks sem samsvarar efnahagslegum auði í skilningi d-liðar 1. gr. reglugerðar (ESB) 269/2014. Tilgreina skal í hverjum þessara flokka og þar sem það liggur fyrir viðeigandi þætti, s.s.

magn, staðsetningu, gjaldmiðil, gjalddaga og samningsskilyrði milli þeirrar rekstrareiningar sem annast tilkynningar og eiganda eignarinnar.

4b. Þegar einstaklingur, lögaðili, rekstrareining eða stofnun, sem annast tilkynningar, hefur sýnt fram á óvenjulegt og ófyrirsjáanlegt tap eða skaða á eignunum og varasjóðunum sem um getur í 4. mgr. a skal láta lögbæru yfirvaldi viðkomandi aðildarríkis í té upplýsingar um það án tafar og senda þær framkvæmdastjórninni á sama tíma.

4c. Aðildarríkin, auk einstaklinga, lögaðila, rekstrareininga og stofnana, sem falla undir tilkynningarskylduna, sem sett er fram í 4. mgr. a, skulu starfa með framkvæmdastjórninni að hvers kyns sannprófunum á þeim upplýsingum sem berast samkvæmt þessari málsgrein. Framkvæmdastjórnin getur óskað eftir hvers kyns viðbótarupplýsingum sem hún þarf til að geta framkvæmt slíka sannprófun. Ef slíkri beiðni er beint til einstaklings, lögaðila, rekstrareiningar eða stofnunar skal framkvæmdastjórnin senda hana á sama tíma til lögbærs stjórnvalds hlutaðeigandi aðildarríkis. Allar viðbótarupplýsingar, sem framkvæmdastjórnin veitir viðtöku beint, skulu gerðar aðgengilegar lögbæru stjórnvaldi viðkomandi aðildarríkis.

4d. Allar upplýsingar, sem framkvæmdastjórninni og lögbærum stjórnvöldum aðildarríkjanna eru láttnar í té eða þau veita viðtöku samkvæmt þessari grein, skulu notaðar af framkvæmdastjórninni og þessum lögbæru stjórnvöldum aðildarríkjanna í sama tilgangi og leiddi til þess að þær voru veittar eða þeim veitt viðtaka.

4e. Hvers konar vinnsla persónuupplýsinga skal fara fram í samræmi við þessa reglugerð og reglugerðir Evrópuþingsins og ráðsins (ESB) 2016/679^(*) og (ESB) 2018/1725^(**) og einungis að því marki sem nauðsynlegt er vegna beitingar þessarar reglugerðar og til að tryggja skilvirka samvinnu milli aðildarríkjanna og við framkvæmdastjórnina við beitingu þessarar reglugerðar.

^(*) Reglugerð Evrópuþingsins og ráðsins (ESB) nr. 575/2013 frá 26. júní 2013 um varfærniskröfur að því er varðar lánastofnanir og verðbréfafyrirtæki og um breytingu á reglugerð (ESB) nr. 648/2012 (Stjtið. ESB L 176, 27.6.2013, bls. 1).

^(**) Tilskipun Evrópuþingsins og ráðsins 2009/138/EB frá 25. nóvember 2009 um stofnun og rekstur fyrirtækja á sviði váttrygginga og endurtrygginga (Gjaldþolsáætlun II) (Stjtið. ESB L 335, 17.12.2009, bls. 1).

^(*) Reglugerð Evrópuþingsins og ráðsins (ESB) nr. 648/2012 frá 4. júlí 2012 um OTC-afleiður, miðlæga mótaðila og afleiðuviðskiptaskrár (Stjtið. ESB L 201, 27.7.2012, bls. 1).

^(*) Reglugerð ráðsins (ESB) nr. 269/2014 frá 17. mars 2014 um þvingunaraðgerðir með tilliti til aðgerða sem grafa undan eða ógna landamærahelgi, fullveldi og sjálfstæði Úkraínu (Stjtið. ESB L 78, 17.3.2014, bls. 6).

^(*) Reglugerð Evrópuþingsins og ráðsins (ESB) 2016/679 frá 27. apríl 2016 um vernd einstaklinga í tengslum við vinnslu persónuupplýsinga og um frjálsa miðlun slíkra upplýsinga og niðurfellingu tilskipunar 95/46/EB (almenna persónuverndarreglugerðin) (Stjtið. ESB L 119, 4.5.2016, bls. 1).

^(*) Reglugerð Evrópuþingsins og ráðsins (ESB) 2018/1725 frá 23. október 2018 um vernd einstaklinga í tengslum við vinnslu stofnana, aðila, skrifstofa og sérstofnana Sambandsins á persónuupplýsingum og um frjálsa miðlun slíkra upplýsinga og um niðurfellingu reglugerðar (EB) nr. 45/2001 og ákvörðunar nr. 1247/2002/EB (Stjtið. ESB L 295, 21.11.2018, bls. 39).“

9) Eftirfarandi kemur í stað d-liðar 3. mgr. í 5. gr. aa:

„d) viðskipti, þ.m.t. sölur, sem eru bráðnauðsynleg vegna slita, fyrir 31. desember 2023, á fyrirtæki um sameiginlegt verkefni eða svipaðs lagalegs fyrirkomulags sem gert er fyrir 16. mars 2022 og tekur til lögaðila, rekstrareiningar eða stofnunar sem um getur í 1. mgr.“.

10) Eftirfarandi liður bætist við í 3. mgr. 5. gr. aa:

„h) veiting lóðsþjónustu fyrir skip á meinlausri siglingu eins og hún er skilgreind í alþjóðalögum sem er nauðsynleg í þágu siglingaöryggis.“.

11) Eftirfarandi kemur í stað 3. mgr. a í 5. gr. aa:

„3a. Þrátt fyrir 1. mgr. geta lögbær stjórnvöld heimilað viðskipti, samkvæmt þeim skilyrðum sem þau telja viðeigandi, sem eru bráðnauðsynleg til að rekstrareiningarnar sem um getur í 1. mgr. eða dótturfélög þeirra í Sambandinu geti, fyrir 31. desember 2023, losað um fjárfestingar sínar og dregið sig út úr lögaðila, rekstrareiningu eða stofnun með staðfestu í Sambandinu.“

12) Eftirfarandi greinar bætast við:

„5. gr. o

1. Frá 27. mars 2023 er lagt bann við því að heimila rússneskum ríkisborgurum eða einstaklingum sem eru búsettir í Rússlandi að gegna störfum í stjórnnum eigenda eða rekstraraðila mikilvægra innviða, mikilvægra evrópskra innviða og mikilvægra rekstrareininga.

2. Ákvæði 1. mgr. gilda ekki um ríkisborgara aðildarríkis, lands sem á aðild að Evrópska efnahagssvæðinu eða Sviss.

5. gr. p

1. Lagt er bann við því að láta í té geymslurými, eins og það er skilgreint í 28. lið 1. mgr. 2. gr. reglugerðar Evrópuþingsins og ráðsins (EB) nr. 715/2009⁽¹⁰⁾, innan geymsluaðstöðu, eins og hún er skilgreind í 9. lið 2. gr. tilskipunar Evrópuþingsins og ráðsins 2009/73/EB⁽¹¹⁾, nema í þeim hluta geymsluaðstöðu fyrir fljótandi jarðgas sem er notað til geymslu:

- a) rússneskum ríkisborgara, einstaklingi sem er búsettur í Rússlandi eða lögaðila, rekstrareiningu eða stofnun með staðfestu í Rússlandi,
- b) lögaðila, rekstrareiningu eða stofnun sem lögaðili, rekstrareining eða stofnun, sem um getur í a-lið þessarar málsgreinar, á yfir 50% eignarhlut í með beinum eða óbeinum hætti eða
- c) einstaklingi, lögaðila, rekstrareiningu eða stofnun sem kemur fram fyrir hönd eða starfar eftir fyrir-mælum lögaðila, rekstrareiningar eða stofnunar sem um getur í a- eða b-lið þessarar málsgreinar.

2. Ákvæði 1. mgr. gilda ekki um aðgerðir sem eru bráðnauðsynlegar til að slíta, eigi síðar en 27. mars 2023, samningum sem eru ekki í samræmi við ákvæði þessarar greinar og voru gerðir fyrir 26. febrúar 2023 eða fylgisamningum sem nauðsynlegir eru vegna framkvæmdar slíkra samninga.

3. Þrátt fyrir 1. mgr. geta lögbær stjórnvöld heimilað, með þeim skilyrðum sem þau telja viðeigandi, að geymslurými sé látið í té, eins og um getur í 1. mgr., þegar gengið hefur úr skugga um að það sé nauðsynlegt til að tryggja mikilvæga orkuafhendingu innan Sambandsins.

4. Hlutadeigandi aðildarríki skal eða skulu tilkynna hinum aðildarríkjunum og framkvæmdastjórninni um sérhverja heimild sem veitt er skv. 3. mgr. innan tveggja vikna frá því að hún er veitt.

⁽¹⁰⁾ Reglugerð Evrópuþingsins og ráðsins (EB) nr. 715/2009 frá 13. júlí 2009 um skilyrði fyrir aðgangi að flutningskerfum fyrir jarðgas og um niðurfellingu á reglugerð (EB) nr. 1775/2005 (Stjtið. ESB L 211, 14.8.2009, bls. 36).

⁽¹¹⁾ Tilskipun Evrópuþingsins og ráðsins 2009/73/EB frá 13. júlí 2009 um sameiginlegar reglur um innri markaðinn fyrir jarðgas og um niðurfellingu á tilskipun 2003/55/EB (Stjtið. ESB L 211, 14.8.2009, bls. 94).“

13) Eftirfarandi málsgrein bætist við í 12. mgr. b:

„2a. Þrátt fyrir 5. gr. n geta lögbær stjórnvöld heimilað áframhaldandi veitingu þjónustu sem er á skrá til 31. desember 2023 ef slík veiting þjónustu er bráðnauðsynleg til þess að losa um fjárfestingar í Rússlandi eða slíta atvinnustarfsemi í Rússlandi, að því tilskildu að eftirfarandi skilyrði séu uppfyllt:

- a) slík þjónusta, sem varðar losun fjárfestinga, er einungis veitt lögaðilum, rekstrareiningum eða stofnunum og í þágu þeirra og
- b) lögbær stjórnvöld sem taka ákvörðun um beiðnir um heimildir hafi enga réttmæta ástæðu til að ætla að þjónustan kunni að verða veitt, með beinum eða óbeinum hætti, ríkisstjórn Rússlands eða endanlegum notanda á hernaðarlegu sviði eða séu til hernaðarnota í Rússlandi.“

14) Eftirfarandi kemur í stað 3. mgr. 12. gr. b:

„3. Viðkomandi aðildarríki skal tilkynna hinum aðildarríkjunum og framkvæmdastjórninni um sérhverja heimild sem veitt er skv. 1. mgr., 2. mgr. eða 2. mgr. a innan tveggja vikna frá því að hún er veitt.“

15) Eftirfarandi greinar bætast við:

„12. gr. d

Bannið við veitingu tæknilegrar aðstoðar sem mælt er fyrir um í þessari reglugerð gildir ekki um veitingu lóðsþjónustu fyrir skip á meinlausri siglingu eins og hún er skilgreind í alþjóðalögum sem er nauðsynleg í þágu siglingaöryggis.

12. gr. e

1. Að því er varðar bann við innflutningi vara sem kveðið er á um í þessari reglugerð er tollyfirvöldum heimilt að afhenda vöru í Sambandinu eins og kveðið er á um í 26. lið 5. gr. tollalaga Sambandsins⁽¹²⁾, að því tilskildu að vörurnar hafi verið lagðar fram til tollskoðunar í samræmi við 134. gr. tollalaga Sambandsins fyrir komu eða gildistöku dag viðkomandi innflutningsbanns, hvort sem ber upp síðar.

2. Heimila skal öll nauðsynleg þrep í málsmeðferðinni vegna afhendingar, sem um getur í 1. og 5. mgr., á viðkomandi vörum samkvæmt tollalögum Sambandsins.

3. Tollyfirvöld skulu ekki heimila afhendingu varanna ef þau hafa rökstuddan grun um sniðgöngu og skulu ekki heimila endurútflutning þeirra til Rússlands.
4. Greiðslur í tengslum við slíkar vörur skulu vera í samræmi við ákvæði og markmið þessarar reglugerðar, einkum bannið við kaupum, og reglugerðar (ESB) nr. 269/2014.
5. Vörur sem voru stöðvaðar við beitingu þessarar reglugerðar, sem eru staðsettar í Sambandinu og sem lagðar voru fram til tollskoðunar fyrir 26. febrúar 2023, mega tollyfirvöld afhenda með þeim skilyrðum sem kveðið er á um í 1., 2., 3. og 4. mgr.

⁽¹²⁾ Reglugerð Evrópuþingsins og ráðsins (ESB) nr. 952/2013 frá 9. október 2013 um tollalög Sambandsins (Stjtið. ESB L 269, 10.10.2013, bls. 1).“

- 16) Ákvæðum IV. viðauka er breytt í samræmi við I. viðauka við þessa reglugerð.
- 17) Ákvæðum VII. viðauka er breytt í samræmi við II. viðauka við þessa reglugerð.
- 18) Ákvæðum VIII. viðauka er breytt í samræmi við III. viðauka við þessa reglugerð.
- 19) Ákvæðum XI. viðauka er breytt í samræmi við IV. viðauka við þessa reglugerð.
- 20) Ákvæðum XV. viðauka er breytt í samræmi við V. viðauka við þessa reglugerð.
Ákvæði 20. liðar gilda að því er varðar eina eða fleiri af þeim rekstrareiningum sem um getur í V. viðauka við þessa reglugerð frá og með 10. apríl 2023 og að því tilskildu að ráðið taki, eftir að hafa kannað viðkomandi mál, ákvörðun þar að lútandi með framkvæmdargerð.
- 21) Ákvæðum XXI. viðauka er breytt í samræmi við VI. viðauka við þessa reglugerð.
- 22) Ákvæðum XXIII. viðauka er breytt í samræmi við VII. viðauka við þessa reglugerð.

2. gr.

Reglugerð þessi öðlast gildi daginn eftir að hún birtist í *Stjórnartíðindum Evrópusambandsins*.

Ákvæði 8. liðar 1. gr. koma til framkvæmda frá og með 27. apríl 2023.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 25. febrúar 2023.

Fyrir hönd ráðsins,

forseti.

J. ROSWALL

⁽¹⁾ Stjtið. ESB L 59 I, 25.2.2023, bls. 593.

⁽²⁾ Reglugerð ráðsins (ESB) nr. 833/2014 frá 31. júlí 2014 um þvingunaraðgerðir í ljósi aðgerða Rússlands sem grafa undan stöðugleika í Úkraínu (Stjtið. ESB L 229 31.7.2014, bls. 1).

⁽³⁾ Ákvörðun ráðsins 2014/512/SSUÖ frá 31. júlí 2014 um þvingunaraðgerðir í ljósi aðgerða Rússlands sem grafa undan stöðugleika í Úkraínu (Stjtið. ESB L 229, 31.7.2014, bls. 13).

⁽⁴⁾ Tilskipun ráðsins 2008/114/EB frá 8. desember 2008 um að greina og tilnefna þýðingarmikil grunnvirki í Evrópu og meta þörfina á að efla vernd þeirra (Stjtið. ESB L 345, 23.12.2008, bls. 75).

⁽⁵⁾ Tilskipun Evrópuþingsins og ráðsins (ESB) 2022/2557 frá 14. desember 2022 um viðnámsþrótt mikilvægra rekstrareininga og niðurfellingu á tilskipun ráðsins 2008/114/EB (Stjtið. ESB L 333, 27.12.2022, bls. 164).

VIÐAUKI

[Viðaukar eru birtir á vef Stjórnartíðinda ESB: <http://data.europa.eu/eli/reg/2023/427/oj>].

Fylgiskjal 9.3.

ÁKVÖRÐUN RÁÐSINS (SSUÖ) 2023/388

frá 20. febrúar 2023

**um breytingu á ákvörðun 2022/266/SSUÖ um þvingunaraðgerðir til að bregðast við ólöglegri
viðurkenningu, yfirtöku eða innlimunar Rússlands á ákveðnum héruðum í Úkraínu,
sem lúta ekki stjórn ríkisstjórnar.**

2. mgr. í gr. 10 er skipt út fyrir eftirfarandi: Ákvörðunin skal gilda til 24. febrúar 2024. (Efnisútdráttur).

B-deild – Útgáfudagur: 25. apríl 2023